

釋穀序

道光二年予在都中館汪孟慈農部家得讀蘇種馬通鑑  
蘇種九穀考辨別禾黍稷三種最爲精悉餘姚邵氏爾雅正  
義猶沿舊說以粢稷衆秬爲今之小米以秬黑黍爲今之高  
粱程氏嘗致書先從父丹徒君云二雲釋草中言黍稷與前  
人相反其誤顯然春間作一書奉寄未蒙裁答或者以妄言

妄聽置之

是書程集未載其手  
書今存從弟桂榮家

今觀其疏顯有駁難之處是

實以程說爲然程邵同時通儒而所見各異學者將何所從  
予予又嘗疑爾雅釋草九穀俱載獨於麥不載來牟而載雀  
麥蘧麥二種皆是荒穀非日用所食九穀考於麥豆麻三穀

亦多闕略爰於授徒之暇原本程說廣引羣書旁推交通作  
爲釋穀其篇韻以下及諸方書字多別體義亦罕徵其有與  
經史相證明者亦采錄焉藁本粗就未及繕謄近命次子恭  
冕校寫成帙釐爲四卷若夫種植之法耒耜之利已見他書  
茲不詳述道光二十年春正月中旬寶應劉寶楠識於夾耶  
精舍

向讀江都汪容甫先生釋三九謂數之少者言三多者言九  
高郵王伯申先生經傳釋詞謂終風且暴終釋爲旣如有隱  
憂如釋爲而歎其精確發前人所未發寶應劉楚楨先生廣  
陵宿學著述甚富所作釋穀一書明辨以晰其釋蜀黍戎菽  
胡豆胡麻之類謂凡物之大者皆得稱蜀稱戎稱胡而闢齊  
侯獻戎菽張騫得胡麻之謬說證之正訓確不可易因卽先  
生之說而引申之凡物之大者曰王曰蜀曰戎曰胡曰牛曰  
馬曰龍曰虎曰鴻物之小者曰童曰妾曰婢曰荆曰楚曰鹿  
曰羊曰兔曰鼠曰燕曰雀皆古人比事屬言非有異義於其  
間也其見於經傳甚多先以余正經注證之物之大者曰王

王蛇釋蟲蟒王蛇郭注蟒蛇最大邵疏王訓為大也王雉釋鳥雉鳩王雉郭注雉類今江東呼之為鷄昌按鷄

亦鳥中是也曰蜀蜀葵見下戎蜀雞釋畜雞大者蜀是也曰

戎戎菽釋艸戎菽謂之荏菽郭注即胡豆也邵疏生民箋戎菽大豆也釋詁戎王大也王通作任又通作荏戎荏

皆言大也詩疏又引郭氏云春秋齊侯來獻戎捷穀梁傳曰戎菽也管子亦云秋伐山戎出冬蔥及戎菽布之天下今之

胡豆是也此郭氏音義之文案荏菽為后稷所樹不應至桓公始布天下孫炎原本鄭箋以為大豆者是也昌按邵氏之

說可與釋戎葵釋艸莢戎葵郭注今蜀葵也邵疏戎蜀皆言其大也釋詁云戎大也釋畜云雞大者蜀是

蜀亦為大而說本艸者便謂此艸從蜀中來鑿矣是也曰胡胡豆見上戎菽注周書謚法廣正釋詁俱

云胡是也曰牛牛蕪釋艸菱牛蕪郭注今馬蕪昌按物之大者牛馬多通稱亦猶戎蜀胡得通稱也

牛藻釋艸菁牛藻郭注似藻葉大江東呼為馬藻昌案牛馬皆言藻之大陳藏器本艸謂馬藻如馬齒相連非也

牛蕪釋艸蕪牛蕪郭注高尺餘許方根葉長而牛棘釋木終銳昌案蕪蕪一聲之轉蓋即蕪之大者

注卽馬棘也其棘粗而長邵疏蓋是也曰馬馬斲馬藻馬棘

棘之大者鄭注士喪禮王棘砭鼠

俱見上注馬藍釋艸葳馬藍郭馬舄釋艸芣苢馬舄郭注馬蝟釋

蝟馬蝟郭注蝟中最大者爲馬蝟馬蛟郭注俗呼馬蛟邵疏方言馬蛟是也

曰龍紅龍釋艸紅龍古其大者歸昌案卽詩之游龍龍葛釋

拔龍葛郭注似葛蔓生江東呼爲龍尾亦謂之虎是也曰虎

葛昌案龍虎皆有大義邵疏皆以爲象形非也虎杖釋艸漆虎杖郭注虎葛見上龍是也曰鴻鴻蒼釋艸

注今龍菜昌案淮南子高誘敘鴻大也字是也物之小者曰

又通洪上文已有勤山薤此蓋鱉之大者童童梁釋艸復童梁陸機詩疏禾秀爲童牛釋畜作僮牛郭

案未成是也曰妾妾魚是也見下魚曰婢魚婢是也釋魚鱗

小牛也郭注小魚也似鮒子而黑俗曰荆荆葵釋艸莢蚍蜉郭注今

呼爲魚婢江東呼爲妾魚荆葵也似葵紫色謝

氏云小草  
多華少葉  
荆桃釋木楔荆桃郭注櫻櫻桃昌案櫻桃似桃而小是也曰楚楚葵釋芹楚

葵郭注今水中芹菜昌案戎胡古爲大國故物之大者稱戎  
胡荆楚古爲小國故物之小者稱荆楚文義對待故詩言蠢

爾蠻荆大邦爲仇也  
是也曰鹿鹿藿釋艸菌鹿藿釋穀謂卽勝豆農鹿

黎釋木槎羅郭注實如梨而小是也曰羊羊棗釋木遵羊棗

圓羊桃釋艸莨楚銚芑郭注今羊桃也或曰鬼桃葉似桃子如小麥亦似桃是也曰兔菟葵釋艸紫菟葵又

菟葵說文菟或作蕝詩陸疏蕝似枯菟葵釋艸紫菟葵又

注卽款冬昌案菟瓜釋艸黃菟瓜郭注菟瓜似瓜而小菟葵釋艸菟葵郭

注頗似菟絲釋艸女蘿菟絲陸機詩疏今合藥兔是也曰鼠

鼠莞釋艸蘼鼠莞郭注纖細似龍須鼠梓釋木棟鼠梓郭注

者之小  
鼠黎見上鹿是也曰燕燕麥見下雀是也曰雀雀麥釋艸

蕎麥郭注卽燕麥也本草蘇恭注其葉似小麥而弱其實似穞麥而細

是也由此推之則釋穀

中之虎豆馬豆皆豆之大者也燕麥雀麥皆麥之小者也諸家之曲說不辨而自息此則經傳釋詞之所未及而與釋三九之義有可相發明者也昌頻年奔走自愧荒落蒙先生手書相勸屬以校訂因就先生所已及者舉一反三附諸卷末以當土壤細流之助云咸豐五年歲在乙卯七月幾望年家子山陽丁壽昌識於宜南廡舍

釋穀卷一

寶應劉寶楠

禾嘉穀

詩七月黍稷重穆禾麻菽麥春秋莊二十八年大無麥禾  
漢書食貨志董仲舒曰春秋他穀不書至於麥禾不成則書之以此見聖人於五穀最重麥禾也管子封

禪篇鄙土之黍北里之禾呂氏春秋本味篇元山之禾任地篇今茲美禾來茲美麥審時篇得時之禾淮南墜形訓

雜水宜禾中央宜禾說文禾嘉穀也二月始生八月而孰

得時之中故謂之禾

徐鍇繫傳作得時之中和段氏若麇注本從之尙書大傳三苗爲一穗和

氣所生抑天下其和爲一乎又管子小問篇天下得之則安不得則危故命之曰禾是禾和同音取義也後漢張衡

傳思元賦滋令德於正中兮合嘉禾  
以爲敷李賢注引說文亦無和字  
禾木也禾傳木者猶稷傳木稷之

比木王而生金王而死淮南墜形訓禾春生秋死高誘注木王而生金王而死尙書大傳主

春者張昏中可以種穀淮南主術訓昏張中則務種穀說苑辨物篇主春者張昏而中可以種穀穀卽禾也尙書考靈曜主春者鳥星昏中可以種稷稷今之高梁別一穀也說見程氏易疇九穀考

禾爲諸穀之一也考之經傳言穀必及禾否則或舉禾實

則曰稟舉粟米則曰梁俗傳後世誤仍梁稷爲一物稷雖俗名

高粱然與小米之名梁者絕異於是禾之名幾不知所歸禾之實亦不知

所指矣嘉者善也本曲禮嘉疏美之之辭詩生民誕降嘉

種維夔維芑說文引詩作嘉穀夔下芑下稟下自下亦云

嘉穀皆謂禾也詩碩鼠無食我苗毛傳苗嘉穀也生民種

之黃茂毛傳黃嘉穀也書序唐叔得禾異畝同穎王命歸

周公於東作歸禾周公得命禾旅天子命作嘉禾

案論衡講瑞篇

生於禾中與禾中異瑞謂之嘉禾此別一義其實不必異瑞皆得稱嘉書序嘉禾亦是就禾名之非因其異畝同穎也

史記周本紀唐叔得嘉穀穆天子傳赤鳥之人曰口山

嘉穀生之天子於是取嘉禾以歸嘉穀嘉禾其詞一也

孔叢子執節篇魏王問子順曰寡人間昔者上天神異后

稷而爲之下嘉穀周以遂興往中山之地無故有穀非人

所爲云天雨之反亡國何故也答曰天雖至神自古及今

未聞下穀與人也詩美后稷能大教民種嘉穀以利天下

故詩曰誕降嘉種猶書所謂稷降播種農殖嘉穀皆說種

之其義一也若中山之國妖怪之事非所謂天祥也案孔  
叢解是也萬物皆本乎天故原天之所生而曰誕降嘉種  
若天生烝民天降下民天生德于予天降大任於斯人及  
言天命天理天秩天討皆謂其本乎天也農民稼穡經神  
農后稷之教而其制始備生民詩美后稷故歷言天有此  
嘉種后稷蓺之繁實茂盛非謂后稷時真有來自天降也  
古今注博物志言漢武帝宣帝元帝明帝有雨粟雨豆之  
事迹異記又言吳桓王時金陵雨五穀於貧民家富民家  
則不雨此說神奇恐或不確予謂雨粟古今皆有之故漢  
書及諸史屢言嘉穀元稷生降謂爲天祥洵無不可孔叢

斥爲妖怪不免過當若周書言神農之時天雨粟淮南言  
蒼頡作書而天雨粟風俗通言燕太子丹仰歎天爲雨粟  
雨粟或真有之其以爲因人所感則傳會之誤也論衡感  
虛篇建武三十一年中陳留雨穀蔽地案視穀形若米而  
黑此或時夷狄之地生出穀夷狄不粒食此穀生於草野  
之中成熟垂委於地遭疾風暴起與之俱飛風衰穀集墜  
於中國中國見之謂之雨穀其說頗爲近理述異記漢宣  
帝時江淮饑饉人相食天雨穀三日尋魏地奏亡穀二千  
頃是亦風之所飛集也今北方雨沙正類此 九穀考曰  
前後漢書所謂嘉穀元稷降者皆是以粟爲稷故服虔亦

以黑稟釋元稷

苗禾也始生苗成秀禾其子稟其實米米謂之粱

詩碩鼠無食我苗毛傳苗嘉穀也

列子周穆王篇阜落之國其土不生嘉苗

孟

子萬章篇惡莠恐其亂苗也魏策夫物多相類而非也幽

莠之幼也似禾淮南子說山訓農夫不察苗莠而並耘之

莠卽今狗尾草形正與禾相似也

說本九穀考

管子地員篇五

沃之土其種大苗細苗赫莖黑秀箭長小問篇苗始其少

也眴眴乎何其孺子也至其壯也莊莊乎何其士也至其

成也由由乎茲免何其君子也

九穀考曰免俯也茲益也謂其穗益俯而向根也案

由由盛貌由本訓生說文作粵云木生條也古文言由栝成蓉鏡曰粵由古今字然則凡由字訓生與粵同也字通

作油禮記祭義則易直子諒之心油然生矣鄭注油然物始生好美貌也大戴記官人篇喜色由然以生盧辯注由當爲油孟子公孫丑篇故由山然與之偕列女傳作油油然與之處家語五儀篇油然若將可越而終不可及者莊子知北遊油然不形而神皆是好美之義引申之則有盛訓史記箕子麥秀歌禾黍油油蜀都賦黍稷油油魏都賦油油麻紵李善注引聲類曰油油麻肥也是也禮玉藻二爵而油油釋文油油本亦作由孟子梁惠王篇油然作雲其取義亦爲盛也玉篇廣韻又有秬字並訓禾黍盛元結樂歌其生如何兮秬秬由油秬並同此所云苗

皆謂禾也蓋苗本禾始生之名後因通傳禾爲苗耳論語

子罕篇苗而不秀秀而不實春秋莊七年秋大水無麥苗

二十八年大無麥禾公羊傳何注苗者禾也生日苗秀曰

禾左傳杜注傳五稼之苗不專指禾亦通倉頡篇苗禾之未秀者也春秋說

題辭稟五變一變而以陽生爲苗二變而秀爲禾三變而

粲然爲粟四變入白米出甲五變而蒸飯可食

淮南繆僂訓夫子見

禾之三變也曰我其首禾乎高誘注三變始於粟粟生於苗苗成於穗也

據此是苗爲始生之

稱禾爲成秀之稱也說文粟嘉穀也孔子曰粟之爲言續

也

廣雅粟續也春秋說題辭粟助陽扶性粟之爲言續也宋均注續謂續陽生長也說文穀下亦云續也

米

粟實也

說文繫傳作米穰實也

象禾黍之形

段注大徐作禾實非是

廣韵粟禾

子也周官倉人職掌粟入之藏鄭注九穀盡藏焉以粟爲

主案禹貢四百里粟五百里米

孟子有粟米之征粟米不同當引禹貢爲證今解者

皆不及

曲禮獻粟者執右契獻米者操量鼓春秋繁露實性

篇米出於粟而粟不可謂米論衡量知篇穀之始熟曰粟

又云故夫穀未舂烝曰粟然則粟連穀皮言之米則專指

其中之實也後漢書章帝紀動務省約但患不能脫粟瓢  
飲耳李賢注晏子相齊食脫粟之飯云脫粟則粟爲有皮  
之傅可知汜勝之種植書以稻米黍麻秫小麥大麥小豆  
大豆爲九穀米卽粟實也說文梁米名也

段本改  
禾米也

三蒼梁

好粟韋昭晉語注梁食之精者顏師古食貨志注梁好粟  
也卽今之梁米霍去病傳注梁粟類也

案梁卽粟  
不得言類

米之善

者楚辭大招五穀六仞設苽梁只

王逸注以梁爲  
苽米之傅非

崔駰七

發云元山之梁

案七發元山之梁不周之粟梁  
粟連文疑其所謂梁猶指稷也

呂氏春秋

作元山之禾是梁爲禾米之名也內則言飯有梁又有黃

梁梁者白梁

廣志有雪白粟亦名白粟卽白梁也九穀考  
云今北方猶評粟米之純白者曰梁米又云

白米亦有黏者然大曲禮梁曰薊莫孔疏梁白梁黃梁也

致米白者多不黏

廣志言穀

有含黃楚辭招魂稻粢穠麥秭黃粱些

別粢言梁粢稷也梁禾也分晰

可據九穀考曰赤苗之穀其黃者有黏不黏二種苗赤穀亦

赤者則其最黏者也案廣韻引廣志曰遼東有赤粱魏武

以爲粥也徐光啓農政全書引廣志曰有赤粟白莖白莖

卽赤苗之莖蓋赤苗七八葉後則爲純青

九穀考云

青色近白

故莖爲白色是故舉莖言則爲白舉苗言則爲赤其義同

也管子地員篇五吐之土其種青粱黑莖黑秀

案管子言穆秭黑莖

黑秀秭爲白苗未見有黑莖者蓋青色近黑故變言之

隋書西域傳附國土宜小麥

青稞稞者粱之俗體農政全書引廣志有蒼背稷

此亦稷稟不分

故粟有稷名 又有竹頭青之名種蒼背卽青背其色青蒼斑駁

故名

廣志言粟名有張公斑

此青梁也青梁卽白梁淺青之色卽近

白也赤梁青梁皆指穀言非指米言何以知其然也九穀

考不言赤穀爲赤米然則赤梁亦是黃米

深黃之色近赤

所謂米

之大致皆黃色也青梁之米兼白黑二色九穀考云白苗

之穀穀黑米白者黏穀黑而米亦帶縞色者不黏據管子

但言黑秀是兼黑白二米而言廣志有黑格雀粟不黏之

米用以飼雀有由然也陳君頌南

慶鏞

曰吾閩南安一帶

多種黑穀米色黑其性涼其質黏其價比紅白二色米皆

貴此亦穀之嘉者與廣志所載用以飼雀當別一種案漢

書郊祀志莽種五粱禾於殿中師古曰五色禾也此指穀

色有赤黃青白黑之分不謂米色包君慎伯世臣齊民四

術曰小米有青白赤黃諸種以黃爲上早熟者名趕麥黃

晚熟者名雁頭青早者皮薄而米實較勝包說不及黑穀

蓋其所未見矣秦漢人以稷混粱因誤以粱稷爲一物九

穀考云稷粱二穀見於經者判然兩事若詩鳩羽之不能

執黍稷不能執稻粱周官食醫之豕宜稷犬宜粱聘禮之

稷兩簋粱在北稷兩簋粱在西黍粱稻三行稷四行公食

大夫禮之設黍稷六簋授公飯粱禮記內則之飯黍稷稻

粱玉藻之沐稷而醕粱喪大記之君沐粱大夫沐稷士沐

梁皆是也秦漢以後多溷二穀而一之舉梁者輒逸稷舉

稷者輒逸梁梁者臬之米也臬者禾之實也

陶宏景曰梁米皆是臬類

又云臬粒細於梁米蘇恭曰梁穗大多毛而長穀麓扁長不似臬圓李時珍曰自漢以後以大而毛長者爲梁細而毛短者爲臬分梁

臬爲二穀更非

逸周書言五方之穀有臬無稷呂氏春

秋審時篇有禾無稷則舉梁而逸稷者也呂氏春秋十二

紀禮記月令淮南時則訓天文訓墜形訓主術訓內經素

問金匱真言論五常政大論史記天官書皆言稷而不言

梁又若高誘淮南脩務訓注王逸楚辭大招注亦有稷無

梁則舉稷而逸梁者也舉梁者非不知有稷直謂稷爲梁

也舉稷者非不知有梁直謂梁爲稷也至韋昭國語注則

竟云稷梁也顯與經相戾矣

此節九穀考从廣雅疏證引案楊泉物理論梁者黍稷之

總名遺禾不數而取黍稷非

漢書平當傳注如淳引漢律云稻米一斗

得酒一斗爲上尊稷米一斗得酒一斗爲中尊粳米一斗

得酒一斗爲下尊稷米粳米分言各不相冒陸德明爾雅

釋文亦云本草稷米在下品別有粳米在中品又似二物

此可證當時舊說猶未盡誤也

亦九穀考說

薺赤苗芑白苗

爾雅薺赤苗芑白苗

郭注以赤白指粳九穀考云是赤白在苗而不在粳也案玉篇薺卽

今赤梁粳也芑白梁粳廣韻薺赤梁粳也俗作薺芑白梁

粳也以赤白指粳並沿郭誤又蘇頌圖經以赤黍白黍冒薺芑非九穀考云黍之苗惟一色而無赤白之異齊民要術引釋草舍人注薺芑是伯夷叔齊所食首陽山草也

謬悠之說可發一噓詩誕降嘉種維糜維芑毛傳用爾雅釋之九穀考云

孔疏以夔芑爲稷非也

夔正字糜或字

集韻夔或作糜穞

說文夔赤苗嘉穀

也芑白苗嘉穀又解璠字云以毳爲縹色如夔夔禾之赤苗也解璠字云禾之赤苗謂之夔言璠玉色如之芑亦作祀王氏懷祖讀書雜志云管子地員篇五壩之土其種大糶杞細糶杞黑莖黑秀糶當作糶杞當作祀大荒南經維宜芑芑糶楊是食郭注管子說地所宜云其種糶杞黑秀皆謂禾類也集韻祀禾名引管子其種糶杞義本尹注今本尹注禾名譌作木名九穀考云余見禾之赤苗初生一二葉純赤色三四葉後赤與青相間七八葉後則純青矣

今直隸山西人猶別而評之曰紅苗穀白苗穀白苗之穀穀黑米白者黏穀黑而米亦帶緋色者不黏黑穀俗謂之拖泥穀白苗者卽青苗也初出時色微白故農人通評白苗以別於紅苗也謹案管子稱穆紀黑莖黑秀黑秀卽黑穀與程氏所見正合而芑爲白苗不言黑莖但黑色與青相似據程說白苗卽青苗然則由白而青深青之色卽近黑也又管子地員篇稱大苗細苗拙莖黑秀箭長拙莖謂莖節間之赤色非全莖皆赤也此當指蘗言拙莖謂蘗黑秀謂芑各舉以見義非拙莖黑秀爲一本也九穀考又云赤白苗之外又有黃苗者黃苗穀穀有黃色白色二種米

皆不黏案古人不爲黃苗立名豈隨舉所見而傅之抑黃色近赤不別立名與

苗高舉耨茂美稽

說文耨禾舉出苗也玉篇耨長禾也稜同上廣韻耨字兩見一云長禾一云禾長案說文耨負舉也

禮運五行之動迭相耨也鄭注

耨猶負戴也

耨高舉也莊子釋文引三蒼云耨舉也匏葉之詩

深則厲淺則耨耨者褰衣謂舉衣也史記陳涉世家耨竿爲旗蓋耨本訓高舉因之耨亦訓長詩碩人葭莢耨耨毛傳耨耨長也楚辭遠逝篇貌耨耨以巍巍王逸注耨耨高貌也高長義同耨耨从曷得聲耨亦从曷得聲是知其音

同其義亦卽相近也玉篇穉又作稜者良耜驛驛其達有  
厭其傑毛傳達射也有厭其傑言傑苗厭然特美也傑苗亦傳

特正月月瞻彼陂田有鬱其特鄭箋陂田

崎驅境坳之處而有苑然茂特之苗

鄭箋傑先長者案

甫田維莠稂稂傑稂義同若左傳成二年稂石以投入杜  
注稂擔也則又與穉揭之訓舉可互證也集韻稂禾出貌  
與穉同蓋本玉篇然據說文有穉無稂則知穉正字稂或  
字傑假借字也又案詩云有厭其傑厭厭其苗鄭於上句  
箋云傑先長者於下句箋云衆齊等也一爲先長之苗一  
爲齊等之苗申釋毛傳最爲得之玉篇稽稽苗美也廣韻  
稽禾苗茂盛也又音厭苗齊等也厭稽一聲之轉毛鄭以

厭卽稻字段借故傳云特美箋云齊等然則有厭其傑猶云有稻其稌厭厭其苗猶云稻稻其苗也小戎厭厭良人列女傳作惛惛湛露厭厭夜飲釋文及魏都賦琴賦注引韓詩作惛惛可證

穉穆私移秦禾也

說文穉禾也穆禾也私禾也北道名禾主人曰私主人移下云一曰禾也秦伯益之後所封國地宜禾从禾春省一曰秦禾名案穉穆私皆謂禾之小者書君奭茲迪彝教文王蔑德鄭注蔑小也周語鄭未失周典王而蔑之韋昭注蔑小也方言木細枝謂之杪江淮陳楚之內謂之蔑郭注

蔑小貌也馬融長笛賦跋蔑縷李善注引方言蔑小也漢書韋元成傳於蔑小子法言學行篇視日月而知衆星之蔑也仰聖人而知衆說之小也說文穢末也廣雅穢小也玉篇醜面小也蔑本訓小因之凡从蔑得聲者皆取義焉段氏說文注禾有名穢者廣韻曰莊子謂之禾也禾有名穆者經傳所用穆字皆段穆爲粲粲者細文也从彡省彡言文省言細凡言穆穆於穆昭穆皆取幽微之義是穆有微小義也方言私秒小也自關而西秦晉之郊梁益之間凡物小者謂之私廣雅私秒小也是私亦微小義也說

文菘茅秀也从卅私聲

段本誤  
松聲

廣雅菘茅穗也王氏懷祖

疏證云說文私禾也私與菘同聲當亦是禾秀之俚後乃  
通名禾爲私耳案茅穗卽茅秀茅秀微小名菘禾秀微小  
名私因而禾之小者亦名私也公私之字古本作厶說文  
引韓非子自營爲厶背厶爲公是也私本禾名今段爲公  
厶字而厶私二字本義俱廢矣移之名禾秦之名禾皆說  
文別一義其說未詳 陳君頌南曰移蓋禾之大者禮記  
表記衣服以移之注移猶廣大也郊特性以移民也注移  
之言羨也通爲侈韓詩外傳幾廉倚跌謂之移莊子庚桑  
楚披然曰移是注是無常在故曰移又爲扈周書作雒解  
設移注承屋曰移又爲移儀禮少牢饋食禮被錫衣移袂

移本禾之大因而假爲屋之大曰彫衣之大曰移也秦當  
是禾之美劉熙釋名秦津也其地沃衍有津潤也宋玉風  
賦離秦衡注秦香草也籀文从秝作秦說文秝疏通也廣  
雅秝疏也疏通則有美意詩桃夭其葉蓁蓁傳蓁蓁至盛  
貌廣雅蓁蓁盛也無羊室家溱溱傳溱溱衆也考工記臬  
氏允臻其極漢書禮樂志四極爰臻王吉傳福祿其臻臻  
蓁溱臻蓁皆从秦聲有美盛義則知禾之美者名秦也  
凡穀始生苗有藁禾

藁通偁也詩黍離彼稷之苗下泉芃芃黍苗

又黍苗篇

呂氏春

秋審時篇麥後時者弱苗陶潛歸園田居詩種豆南山下

草盛豆苗稀是苗乃諸穀始生者之通稱

說文苗艸生於田者从艸田段

注以苗爲嘉穀謂當以苗字次夔字之前云禾也嘉穀也  
不取許氏艸生於田之訓謂爲皮傳之說案段氏非也苗  
从艸田安知非因草生之訓借爲凡穀始生者之稱乎且  
余疋穀類俱列釋草不別立釋禾篇是古稱穀亦爲草也  
禮記月令秀草不實秀草卽指五穀周禮稼人澤草所生  
種之芒種漢書五行志菽草之彊者說苑復恩篇舟之僑  
曰今天油然作雲沛然下雨則苗草興起莫之能禦苗草  
連文尤爲確據段氏不知苗可稱草因欲移許書之次第  
可謂失之武斷矣又案苗或稱毛公羊宣十二年傳錫之  
不毛之地何注堯塙不生五穀曰不毛穀梁定元年傳毛  
澤未盡范注凡地之所生謂之毛管子七臣七主  
篇而欲土地之毛尹注毛謂嘉苗是毛卽苗也

書金縢

天大雷電以風禾盡偃詩七月黍稷重穋禾麻菽麥而上  
句云十月納禾稼禾稼卽總下黍稷二句言之

九穀考云  
稼以禾爲

主故重見於上  
以目之說誤

故稷稻黍稷說文皆列禾部郭璞穆天子

傳注秋麥禾也九穀考云禾稟之有藁者也

案說文稼字下云莖節爲

禾亦指藁言禹貢所謂總也

聘禮及周官掌客之職禾皆言若干車車

三秬薪芻倍禾

案鄭注掌客云禾藁實並刈者也

以薪芻例禾是禾有藁

者矣又聘禮記四百秉爲一秬鄭注此秉爲刈禾盈手然

則秉秬者束藁之名禾爲稟之有藁者故以秉秬數之也

聘禮米禾皆兼黍稷稻粱言之

九穀考引楊倞荀子禮論篇注稻禾也案禮論注無

此文惟飯以生稻句下云生稻米也禾字蓋米之誤

以他穀連藁者不別立名卽穀

中之實亦無異號惟稟有之遂假借通俾仰以事難件繫

有足相包者屬文之法耳案程說是也廣雅粢黍稻其采

謂之禾以采爲禾此則異義不可從

凡穀曰粟曰米糴粟也芒粟謂之穡

詩黃鳥無啄我粟粟兼禾黍言之二章言黍三章言粱粱

黍其目也

段氏若  
膺說

管子言稷云紉粟如麻說文稻一秬爲

粟二十斗禾黍一秬爲粟十六斗大半斗

斗本皆作升  
此从段本改

稻重一秬爲粟二十斗是粟亦諸穀之通名也說文米下

二云象禾黍之形周官倉人職掌粟米之出入辨其物注九

穀六米別爲書賈疏六米者九穀之中黍稷稻粱苽大豆

六者皆有米麻與小豆小麥三者無米九穀考云小宗伯

及舂人職注並以麥爲簠簋實是麥有米明矣光武自蕪

蕪亭至南宮馮異復進麥飯菟肩飯則米爲之也說文言

麥飯方言言麥餽蓋皆言麥有米也但今世麥皆碾之爲

麩其舂米炊飯則久失其節度矣

案陳書司馬鬻傳一日之內惟進薄麥粥一升

張昭傳日惟食一升麥屑粥丁壽昌曰今江淮之間大麥皆舂米炊飯或爲糜粥謂之細糲農民以爲常餐程君欽人或不解此乃謂今世失其節度異乎吾所聞矣陳君頌南亦曰今吾閩猶以麥爲糜爲飯若豆大小

雖異其無米則一余以爲穀中無米者或指麻與大小豆

耳六米斷指食醫之六穀賈氏所釋鄭義恐未得其審與

案程說是也舂人職掌其米物祭祀其其盞盛之米賓客

其其牢禮之米凡饗食其其食米此米皆統諸穀言之說

文糴穀也段注揚雄蜀都賦糴米肥腓言食穀米之肥腓

也轉寫作糴米誤矣案廣雅糴穀也是糴卽稟皆穀米

之統名說文穰芒稟也廣韵穰穀芒穀芒猶言芒稟戴侗  
六書故五穀皆有穰是穰亦通偁因穀有芒而別名之南  
山經郭注稌稻穰也謂稌爲稻穰之名玉篇穰穰麥崔實  
四民月令吳普本草有穰麥並謂芒稟字或作穰作麩說  
詳麥類

凡米粃糲米馨香曰皁米一粃曰皁

皋陶謨烝民乃粃某氏傳米食曰粃周頌立我蒸民鄭箋  
立當作粃王制有不粃食者矣孟子樂歲粃米狼戾趙注

粃米稟米之粃耳一切經音義引通俗文曰穀曰粃

此穀謂穀

米玉篇廣韵並云粃米粃小余疋生曰穀謂之粃說文粃

糲也

段本改米粒也

糲古文从食糲以米和羹也一日粒也自穀

之馨香也象嘉穀在裹中之形匕所以扱之又讀若香或

說自一粒也段注云顏氏家訓曰在益州與數人同坐初

晴見地下小光問左右是何物一蜀豎就視云是豆逼耳

皆不知所謂取來乃小豆也蜀土呼豆爲逼時莫之解吾

云三蒼說文皆有自字訓粒通俗文音方力反衆皆歡悟

九米粟十六斗大半斗舂爲米一斛曰糲糲米一斛舂爲九

斗曰穀穀稻也禾黍謂之稗舂爲八斗曰粳舂爲七斗曰侍

御稻二十斗舂爲米六斗大半斗曰粳

說文糲

案糲字通指禾黍稻言

重一石爲十六斗大半斗舂爲米

一斛段注卽九章算術卓米之法卓率五十糲米三十也

張晏曰一斛卓七斗米爲糲與九章算術率異

成蓉鏡曰案段說近

是但疏通尙未詳核儀禮聘禮記十斗曰斛今以糲米率三十爲一率卓率五十爲二率米十斗爲三率二率三率相乘得五百斗爲實以一率三十爲法實如法而一得四率卓一十六斗六升六合六龠不盡許君所云大半斗者卽六升六合六龠也若依張晏一斛卓七斗米爲糲則以七斗米爲一率十斗卓爲二率十斗米爲三率二率三率相乘得一百斗爲實以一率七斗爲法實如法而一得四率卓一十四斗二升八合五龠不盡較說文九章算術少二斗三升八合一龠其義非也

漢書司馬遷傳糲梁之食與許篆體合今

皆作糲案史記太史公自序云糲梁之食注引張晏說又

引瓚曰五斗卓三斗米爲糲與九章算術說文並同張守

節正義糲麇米也脫卓也梁卓也謂食脫卓之麇飯也九

章筭術糲米率三十粃米二十七粃米二十四御米二十

一毛詩彼疏斯粃鄭箋米之率糲十粃九粃八侍御七粃

卽粃

孫穀古微書引春秋說題辭米出甲謂磴之爲糲米也春之則粃米也

粃之則粃米也粃之則粃米也舊之則粃米也又

導擇之暘嗟之則爲晶米案題辭以粃粃爲二又以粃居粃上是謂粃卽侍御非也

說文粃粃也段

注禾黍言粃稻言粃粃與粃皆一斛春爲九斗然則九章

據糲米三十故粃

粃同

米二十七鄭箋據糲米十故粃

粃同米

九也粃九則粃八詩生民召旻音義左傳桓二年音義皆

引字林粃糲米一斛春爲八斗是也經傳作粃者皆粃之

假借

衆經音義引三蒼云粃精米也今江南謂粃米爲粃音賴

玉篇粃字下引左傳黍

食不繫是也

淮南主術訓案食不粃高注粃細也案粃不得爲細當是繫字形近之誤卽粃不

論文以穀乃說支粢下云稻重一石爲臬二十斗爲米十

爲八斗也

段氏以穀爲稻米本此

又穀下云糲米一斛春爲八斗也

下云糲米一斛春爲九斗曰繫八斗九斗互易則師說之異也就許說通之糲米一斛用臬十六斗大半斗然則春爲八斗之穀亦用臬十六斗大半斗也粢下之言穀也以糲米臬計之故云臬二十斗爲米十斗穀下之言穀也以糲米計之故云糲米一斛春爲八斗以粢下臬二十斗米十斗核之則穀下糲米一斛爲臬十六斗大半斗者當得米八斗三升三合三龠而云八斗者舉成數也此則許說之異者也段氏改穀下爲九斗繫下爲八斗又疑粢下有奪文

意欲牽合說文及九章諸書爲一然廣韻殿下引說文亦是八斗粲下引說文亦是九斗段說雖是恐非許義也說文粲稻重一秬爲粲二十斗爲米六斗大半斗曰粲段注漢刑法有鬼薪白粲白粲謂舂也粲米最白故爲鮮好之俛案縑衣子授子之粲兮毛傳粲殮也此粲亦指米言

凡米美好曰膏不雜曰粹擇曰精所以擇之曰糴

孟子所以不願人之膏粱之味也趙注膏粱細粱如膏者也字通作梁素問腹中論今禁高粱生氣通天論高粱之變高粱猶膏粱今人但俛稷爲高粱不知小米亦有是俛海內經黑水之國有都廣之野爰有膏菽膏稻膏黍膏

稷郭注言好米皆滑如膏外傳曰膏粱之子案此則膏者

謂凡穀美好之稱非膏與粱爲二物也說文粹不稌也段  
注粹本精米引申爲凡純美之稱說文精擇也莊子人間  
世鼓箠播精司馬彪注簡米曰精簡擇義同因而凡所擇  
之善米亦稱精論語食不厭精東山經糈用五種之精郭  
注備五穀之美者是也說文糈禾也司馬相如曰糈一莖  
六穗也段氏本作導導米也注云導擇也擇米曰導米漢  
書百官表後書殤帝和帝紀皆有導官注皆云導官主擇  
米鄧后詔曰減大官導官自非其陵廟稻粱米不得導擇  
光武詔曰郡國異味有豫養糈擇之勞凡作導者譌字也  
呂忱徐廣顏之推司馬貞皆執誤本說文謂導是禾名豈

知導果禾名則許書之例當與穰穆私三篆爲伍而不廁

於此司馬相如封禪文曰導一莖六穗於庖鄭德云導擇

也一莖六穗謂嘉禾之米鄭語最明爓呂忱乃云禾一莖

六穗謂之導蓋不讀封禪文而誤斷許書之句度案玉篇

渠導一莖六穗瑞禾也廣韻導禾一莖六穗也出字林卽

說但段氏以導爲導之譌則非丁壽昌曰導爲擇米不妨

又爲禾名之比許君引書多廣異義下文引封禪書自爲

導擇之義段氏不察逕改許書失之武斷矣集韻分釋二

義可證說文不誤導本字導段借字說文引經約舉甚多許引封禪書原本似非失檢原文說文自作

導兩漢書自作導宋書百官志上導官令一人丞一人掌春御米漢東京置導擇也擇米令精也司馬相如封禪書

云導一莖六穗於庖南齊百官志大司農屬有導官令一人丞一人梁書何敬容傳坐妾弟費慧明爲導倉丞夜盜官米爲禁司所執隋書百官志上言梁制司農卿統導官令丞百官志中後齊司農寺統導官等署令丞導官署又有御細部麴麴部百官志下言隋制司農寺統導官等署各置令導官御有細倉督<sub>人</sub>二麴麴倉督<sub>人</sub>二然則導官之稱南北朝及隋時猶然其字並皆作導隋書音樂志需雅曲云道我六穗羅八珍道卽導字亦卽導字廣雅疏證云崔駰七發乃導元山之梁不周之稟導導同聲而通訓於音尤協集韻導下云說文禾也司馬相如曰導一莖六穗一

說以粳爲米曰導漢有導官故相如曰導六穗之禾儀其  
舐之獸直以導爲禾者誤案集韻分釋二義是也辨導非  
禾非也其曰以粳爲米曰導亦誤

凡米疏曰粗碎曰糲曰糲曰粉糲曰粳粉曰糲惡曰柴牙曰  
糲陳臭曰糲

粗者說文云粗疏也詩召旻彼疏斯稗鄭箋疏麤也謂糲  
米也麤卽粗字與說文爲轉注是故糲米與稗米按則糲  
爲粗國語食粗衣惡是也稷與黍稻粱按則稷爲粗喪服  
傳食疏食注疏猶麤也是也九穀考論語疏食菜羹玉藻  
稷食菜羹疏稷一也稷形粗大故謂之疏知喪服疏食爲

稷者論語曰食夫稻於女安乎是居喪不食稻疏食非稻也喪大記曰君食之大夫父之友食之不辟梁肉是居喪不食梁疏食非梁也竹林七賢論阮簡居父喪食黍清議廢頌幾二十年是居喪不食黍疏食非黍也玉藻朔月四簋子卯稷食四簋者黍稷稻粱也稷食者不食稻粱黍貶之如居喪食稷也是疏食謂稷左傳梁則無矣麤則有之

麤對梁而言稷之謂也

以上節引九穀考考又云良耜箋豐年之時雖賤者猶食黍孔疏賤

者食稷耳金氏楊云大戴禮無祿者稷饋稷饋者無尸注云庶人無常牲故以稷爲主此貴黍賤稷也朱學勤曰稷爲庶人之食故凡言食之窮約者曰疏食論語述而篇飯疏食飲水衛靈篇飯飯疏食沒齒又鄉黨篇孟子萬章篇雖疏食菜羹皆謂食稷也趙岐注疏食謂糲飯也糲即謂稷列子力命篇食則菜糲是其證皇氏陸氏子論語疏食作

蔬食蓋本孔安國茶食之說然不如稷食之  
爲確張湛列子注以菜爲稻餅亦非是也 糲者說文云

糲碎也

御覽八百五十四引通谷文曰碎糠曰糲此亦引申之義

段注石部云碎糲也

二字互訓王逸注離騷瓊糜云糜屑也

漢書揚雄傳注應劭曰糜屑也糜

卽糲字廣雅糜字二見曰糜餽也與說文同曰糜糲也卽

說文之糲碎也糜與糲音同義少別凡言粉碎之義當作

糲糲者玉篇糲碎米也廣韻糲米麥破也糲通作屑說文

言麥屑是也

廣雅疏證云說文糲粲也粲糲也粲糲

糲者釋名云

粉分也研米使分散也周官籩人糲餌粉餈鄭司農云粉

豆屑也糲者廣雅云糲糲也

案廣雅糲糲糲糲糲糲也糲糲俱指麥言見下麥類

糲者說文云糲粉也集韻作糲同廣雅糲糲也謂以米粉

搏箸爲食也今俗語猶然柴者說文云惡米也段注廣韻

柴說文作棐玉篇作棐作棐皆云惡米而皆棐之誤

丁壽昌曰

案各本說文俱云棐从米北聲玉篇亦作棐廣韻云棐說文作棐尤爲確證段氏乃从釋文五經文字逕改許書失關疑之義矣

蘖者說文云蘖牙米也段注牙同芽芽米者生芽

之米也凡黍稷稻粱米已出於糠者不牙麥豆亦皆云米

本無糠故能芽芽米謂之蘖猶伐木餘謂之蘖庶予謂之

蘖子也許云芽米蓋容穀言之散文則稟得俛米紅者說

文云紅陳臭米也段注賈捐之傳太倉之稟紅腐而不可

食師古曰稟久腐壞則色紅赤也紅卽紅之假借字

禾稟稽稟穎稗穰莖也

說文稽禾橐

句

去其皮祭天以爲席也廣雅稽橐也玉篇

稽橐也去其皮祭天以爲席也鞞祭神席也秸同上案稽

者禾橐去皮未去皮之通傳史記封禪書漢書郊祀志注

稽橐本也席用苴稽應劭注與說文同如淳注稽讀曰夏

禮器曰莞蕈之安而橐鞞之設是也鄭注引禹貢三百里

納鞞服今禹貢作秸釋文秸本或作稽攷稽秸鞞夏音近

通用吳玉搢別雅云禮器明堂位拊擊大琴大瑟中琴中

瑟釋文拊居八反蓋卽虞書之夏擊也漢書揚雄傳拊隔

鳴球拊卽夏亦卽拊子謂前漢地理志三百里夏服師古

曰夏橐也此尤足爲確據鄭注礼器云穗去實曰鞞鞞是

禾稔連穗爲用而去其實故云穗去實也

段氏說文注鄭云穗去實猶云

穎去穗穎謂莖之近穗者案鄭注穗去實謂稔連穗爲用不言稔者稔蘇經文已見且蘇之爲稔人所習知故畧之也穗是不去何云穎去穗哉去穗而但留穎則近穗之莖其細已甚亦豈堪以爲席段氏蓋誤會鄭義又注

禹貢云賦入總謂入刈禾也銍謂刈穗斷去稔也秸又去

其穎也

此本馬注

段氏云是謂下截爲稔近穗爲穎然秸旣爲

去穎則但是有穗不聞穗亦名秸也經言三百里納稔連

此近穗之稔

穎亦有稔

有稔始得爲秸

說文廣雅玉篇皆以稭爲稔

若去稔

豈得名秸乎若以所斷去之穎爲秸服則穎旣斷去不連

稔實爲賦何有舍正賦不言而言所斷去之穎乎

經言百里賦納

總賦納二字貫下四句則二百里納銍三百里秸服卽有納銍納秸服也四百里稔五百里米卽納稔納米也有

以知鄭說之不然矣予謂百里納總謂穀成熟時君別使人刈收而勿以勞其本農故曰納總言連總把皆納之也二百里納銍言銍始用刀刈則本農助君收刈較之百里納總功爲異也三百里秸服則刈去下截之稾而但留上截之稾所謂近穗之莖卽穎是也服者稾皮如人衣服就在外者言之故魚皮亦曰魚服又周禮巾車小服皆疏注小服刀劔短兵之衣齊語服無矢注服矢服也漢書司馬相如傳注引伏儼曰服盛箭器也巾車及齊語二服字皆箠之省而皆爲在外者包裹之稱是知秸服之爲稾皮其信然矣秸服是上截稾皮則刈去下截之稾此又較銍爲

異也四百里粟粟是未脫糠者至五百里米則又舂穀去皮而爲米也自百里至四百里皆是納粟但近者連稾爲賦功省而賦稍重遠者止是納粟納米功費而賦稍輕此正大禹均賦之法而可知銓與秸服非是納稾不納粟矣自鄭氏以納總爲入刈禾以銓之解解總於是納銓訓爲斷去稾然刈禾已是斷稾何得至銓又是斷稾旣斷稾又去穎是稾穎皆不復存何得仍名秸服名秸服則是穎猶未去

或以鄭注去穎爲止留穗無論穗不可名秸且穗安得有皮而名服乎若以穗之實之皮爲秸則又與下

四百里粟無別此皆說之不可通者猶之五百里粟亦連穀皮言之也鄭注

此經全誤後人不知辨正而多從爲之辭過矣

陳君頌南曰吾友陳

君奭曰秸服二字連文得義斷去其稟又去其穎謂之秸帶稗言謂之秸服僞孔傳秸稟也服稟役也誤以詩之禾役解書之秸服蓋禹貢言穎生民言莖秸者實也秸服者稟之皮也禾者苗也禾役者稟之皮也陳譏善矣而其義未明謂秸服爲稟之皮則似秸服便是稟稟外更無皮也謂禹貢言穎則似單指所去之穎爲秸其帶稗者乃是秸服然秸自帶其稟言之說文秸未稟是正訓禹貢納秸服是去實未去稟漢書地理志三百里夏服師古曰夏稟也夏秸同秸自帶其稟謂斷去其稟又去其穎則是以稟之未脫穰爲秸服而稟與穎皆無有存矣此其說之誤者秸服與詩禾役別僞孔解服與役同失之毛傳役稟也列與稟同稟者黍穰凡禾穰亦得稱之說文引三家詩禾役作禾穎穎卽穗之所生也與秸服爲稟皮義無涉案頌南辨正陳君奭之說可謂確矣陳君以秸服爲斷稟又去穎正本鄭注然則禹貢此注頌南所不取也惟以秸服爲去實則用鄭氏礼器注義不知彼用爲席故去實此用作賦則不得去實文各不說文稟稗也倉頡篇稟禾稗也小尔疋同未可合爲一也

稟謂之稗周官封人云其其水稟呂氏春秋任地篇子能

使橐數節而莖堅平漢書五行志哀帝建平四年正月民驚走持橐或振一枚師古曰橐禾稈也禹貢傳已奉穀租又出橐稅橐本禾榦引申之凡物之榦謂之橐周禮橐人注箭榦謂之橐是也凡文章亦謂之橐史記屈原傳屬草橐未定是也呂氏春秋審時篇得時之禾長稠長穗稠橐節間之偁猶竹稈曰筒也玉篇稠禾盛貌別一義詩生民禾役穉穉毛傳役列也說文引詩作禾穎段注役者穎之假借列者梨之假借禾穰也此穎通穰言之說文稈禾莖也春秋傳曰或投一秉稈稈重文玉篇稈橐也穰謂之稈稈同上案今左傳作秆杜注秆橐也廣雅秆橐也孫子

苾秆一石曹操注秆稾也莊子釋文小尔疋云秆謂之芻  
廣韵穰禾莖也

稾枯禾

本集韵案孟子七八月之間旱則苗槁矣又其子趨而往  
視之苗則槁矣說文稾枯木樂記止如稾木易說卦離其  
于木也爲科上槁釋文鄭作稾據此則槁稾本通槁爲枯  
木稾爲枯禾義各有當孟子作槁則稾之假借

凡莖稻曰稾曰稈稻麥曰稈黍稻稷曰穰

易林小畜之大壯蝗齧我稻驅不可去實穗無有但見空  
稾廣雅稻穰謂之稈疏證左傳或取一秉稈焉楚於職方

屬荊州其穀宜稻所謂稈者稻穰也呂氏春秋得時之稻  
長稈疏穢先時者短稈多穗得時之麥稈長而頸黑廣雅  
稻穰謂之稈稈穰謂之穰玉篇稈稈穰也案稈卽芻之俗  
稈穰不可爲芻  
疑此所云稈亦謂禾  
也故不著穰之名  
說文云穰黍稷已治者然則已治與  
未治皆得名穰也

凡橐皮糕糕若也秧秧穰

說文糕禾皮也

一切經音義十四引通俗文云禾穗謂之  
苦糕義不可解丁壽昌曰苦卽若字之譌

二字連文  
義本相同

秧禾若秧穰也段注禾皮者禾橐之皮也呂氏

春秋得時之麥薄糕而赤色本謂橐皮因以評稍羔聲勺

聲古音同在一部故糕音灼若卽糕若者擇菜也

本說擇

菜者必去其邊皮因之凡可去之皮曰若竹皮亦曰若

本說

文漢書綬若若如籜若之多也秧穰疊韻字案段氏是也

糕者禾皮之名稍者麥皮之名麥皮言糕則通傳也廣韻  
糕五穀皮是諸穀亦得爲糕說文穌下亦云把取禾若若  
卽禾皮玉篇秧禾苗秧穰也以禾苗易禾若失其義矣廣  
韻秧穰禾稠也集韻秧穰禾下莖多也秧穰本言禾皮亦  
得連莖傳之故又訓禾稠又訓莖多其義一也廣韻又曰  
秧蒔秧集韻曰秧栽禾此則今人所通傳非古訓

禾末穎禾垂穉禾采秀穉采也禾麥采吐上平脅危采杓采

生不成董蘭凡稟生不成秕

說文穎禾末也

文選魏都賦嘉穎離合以  
黃尊李注引說文穎穗也

詩曰禾穎穉穉

廣韻穎禾末也穗也生民實穎實粟毛傳穎垂穎也書序

云唐叔得禾異畝同穎鄭注二苗爲一穗

案二苗當  
作三苗

後漢

張衡傳注穎穉也說文穉禾叢兒讀若端玉篇廣韻同案

穉从耑得聲說文耑物初生之題也上象生形下象其根

是其義也禾叢亦指采言淮南繆稱訓注禾穗叢而向根

是也說文采禾成秀人所收者从爪禾穗俗从禾惠聲封

禪書導一莖六穗於庖

尚書中候嘉禾莖長五尺三十五  
穗後漢光武帝紀嘉禾生一莖九

穗安帝紀延光二年嘉禾生李賢注引東觀記禾百五十

六本七百六十八穗晉起居注元帝世嘉禾之生其莖七  
穗晉中興徵祥說義熙十三年鞏縣民宋曜於田中獲嘉  
禾九穗同本齊書祥瑞志永明二年八月梁郡睢陽縣界

野田中獲嘉禾一莖二十三穗梁書武帝紀大同六年始  
平太守崔頌表獻嘉禾一莖十二穗大業拾遺錄七年九  
月太原郡有獻禾一本三穗長八尺穗長三尺五寸大尺  
圍芒穗皆紫色鮮明可愛金史五行志興定元年七月大  
社壇產嘉禾一莖十五穗又晉起居注太康十年嘉麥生  
扶風郡一莖四穗前涼錄永嘉元年嘉麥一莖九穗生姑  
臧金史五行志興定元年陳州商水縣進瑞麥一莖四穗  
元史世祖本紀至元七年東平府進瑞麥一莖二穗三穗  
四穗各一本此則地力肥厚 尚書大傳成王之時有三苗  
故生植獨茂盛非有異也

貫桑葉而生同爲一穗呂氏春秋得時之禾長稠長穗疏  
穰而穗大先時者穗鉅而芳奪稔米而不香後時者穗闊  
而青零閱亢倉子作銳皆謂采也蒼頡篇禾之秀者曰秀說文秀

字注云上講案光武帝紀濟陽縣界有嘉禾生一莖九穗

因名光武曰秀段氏說文注云釋草云木謂之榮草謂之

華榮華散文則一耳榮而實謂之實桃李是也不榮而實謂之秀禾黍是也榮而不實謂之英牡丹芍藥是也凡禾黍之實皆有華華瓣收卽爲稗而成實不比華落而成實者故謂之榮可黍稷方華是也謂之不榮亦可實發實秀是也論語苗而不秀秀而不實秀則已實矣又云實者此實卽生民之堅好也秀與采義相成采下云禾成秀也采自其亟言之秀自其挺言之而非實不謂之秀非秀不謂之采秀从禾人者米也出於稗謂之米結於稗內謂之人凡果實中有人本草本皆作人明刻皆改作仁殊謬禾稗內有人是曰秀玉篇集韻類篇皆有禾字欲結米也而鄰

切本秀字也隸書秀从乃而禾別讀矣

以上段說丁壽昌曰案說文秀篆下

从乃本不從人徐鍇曰禾實也有實之象下叒也秀本不  
从乃亦不從人玉篇禾字與秀形聲皆別段氏強合爲一  
眞取說矣案丁說甚辨故備存之說文穉禾采之貌詩曰禾穎穉穉穉穉

或从艸玉篇遂禾秀與穉同穉穉苗詩毛傳穉穉苗好美

也尔疋穉穉苗也郭注言茂好也說文育禾麥吐穗上平

也象形又秬危采也

玉篇秬禾危穗

徐鍇繫傳危謂獨出之穗今

言了秬也段注云危采謂穎欲斷落也齊民要術曰刈晚

則穗折遇風則收減玉篇秬亦懸物也

廣韻秬禾穗垂貌亦謂危穗也則

秬同方言之上方言上懸也趙魏之間曰上燕趙之郊懸

物於臺之上謂之上郭璞曰了上懸物兒丁小反元應書

及集韻所引方言皆如是今本方言作桃矣人所改耳王

延壽王孫賦瓜懸而瓠垂

案明史列女陳氏傳祥符人岐穀了瓜產墓上蓋本此賦

包君敏甫慎言曰案瓜之懸於架者皆上小下大了瓜藤延蔓墻壁其瓜之懸者獨上大小小似倒懸之狀吾鄉多有

之 上者象形字矝者諧聲字

以上段說

說文節禾桌之采

段改采爲

莠生而不成者謂之童節稂節或从禾

段云今詩爾雅皆作此字非禾而

禾非孔子惡莠意案節爲禾采未成之稱故節或从稂與莠爲禾桌下生者異段氏以節爲莠而以詩爾雅作稂从

禾秀者爲非則是說文云稂節或从禾者亦誤不免失之迂矣 案爾雅稂童梁

郭注節莠類此段氏

所本案玉篇亦云節莠也引說文禾下脫

卓字之穗謂之董節其說多岐原不足據 詩下泉浸彼苞

稂

鄭箋稂當作涼涼草蕭著之屬義遜毛傳 大田不稂不莠傳並依爾雅釋之

童梁卽童節陸機草木疏云禾秀

段改作莠非

爲穗而不成崩

嶷然謂之童梁今人謂之宿田翁或謂之守田也

案爾雅皇守田

郭注似燕麥子如彫胡米可食生廢田中一名守氣然則守田非童梁也或說乃別一義邵氏二雲尔

疋正義云稂爲穀之有稭而無米者南方農諺謂之扁子農家穫稻則簸而揚之以去其節然稂雖無米亦稍有米皮今南方用以飼鶩又以飼馬魯語所謂馬餼不過稂莠也案漢三公山碑馬餼稂秀稂秀卽稂莠韋昭注云稂童梁亦同尔疋然則稂爲禾采未成之偁審矣九穀考以稂爲狼尾草云不稂不莠謂不生狼尾草與狗尾草也下泉毛傳作童梁夫果童梁爲采生而不成者則是於禾稟中間一見之不得連頃皆童梁而爲水所浸且生於禾稟中

禾稟宜高地下泉亦安得而浸之也與苞蕭苞著同舉亦

宜爲狼尾草矣說文別出莧草

案玉篇莧草也亦梁司馬也是莧亦不專指草

相如子虛賦其卑濕則生藏莧兼莧史記注載駟案漢書音義曰莧莧尾草也漢書注郭璞曰藏莧草中牛馬芻莧尾卽余所目驗之狼尾草也莧草中牛馬芻余所目驗者亦中牛馬芻也以中牛馬芻之云證國語之馬餼不過稂秀以國語之稂莠證詩之不稂不莠於是稂莠之稂與說文所謂禾稟采生而不成之董節實爲二物案程氏以稂爲莧與毛傳異義然爾雅旣以童梁釋稂而又別出孟狼尾是不以狼尾爲童梁矣且下泉云苞稂非必連頃皆是

云浸彼非必不在高地毛許義本亦正當仍从之段注說  
文云生而不成謂不成莠也不成謂之童稂已成謂之莠  
此節莠二字連屬之義云禾稟之莠者惡其類禾而別之  
也案說文明言禾稟之采不謂莠也其作莠者乃詩爾雅  
音義所引不知音義之莠本當作秀玉篇釋稂字云禾秀  
不成陸機云禾秀爲采可證秀與采同玉篇廣韻引說文  
作禾稟之穗穗卽采之或體是說文本字作采別本作秀  
非作莠也若說文果作莠但云莠生而不成者謂之董節  
可矣何必云禾稟之莠乎段氏據音義改說文因以節爲  
莠草非也說文秠不成稟也玉篇秠穀不成也東晉古文

若稟之有秕左定十年傳若其不具用秕稗也杜注秕不成者秕或作糝莊子逍遙游塵垢糝康呂氏春秋辯土篇凡禾之患不俱生而俱死是以先生者美米後生者爲糝又云肥而扶疏則多糝又云是故不知稼者其耨也去其兄而養其弟不收其稟而收其糝舊本作收其粗九穀考米字相協也王氏農書錢簿門引此作糝字或元時所見古本猶未譌爲粗與案程說是也今畢氏校本已改作糝云據亢倉子改審時篇後生之禾多糝而不滿又言先後時之稻多糝是糝亦通稱也段氏說文注云今俗呼穀之不充者曰癩補結切卽糝之俗音俗字

凡穀末謂之穎采謂之秀秀謂之采

後漢班固傳洛都賦五穀垂穎李賢注五穀黍稷菽稻麥也爾雅曰禾穗謂之穎卽小是也采秀義同其言穗者廣

韻采禾稷成兒詩黍離彼稷之穗毛傳穗秀也呂氏春秋

得時之黍穗芒以長先時者葉藁短穗後時者短穗而厚

糠得時之稻穗如馬尾先時者短稊短穗後時之麥弱苗

而穗蒼狼

蒼狼青色

後漢張堪傳百姓歌曰桑無附枝麥穗兩

岐吳都賦穉秀菰穗此言穗也其言秀者管子言稷云赫

莖黃秀月令鄭注黍秀舒散考工記冶人注鋌讀如麥秀

鋌之鋌

案詩大田云播厥百穀旣庭且碩毛傳庭直也 箕

子歌麥秀漸漸兮

漸與漸同文選七發注引埤蒼漸麥秀貌說文

蘄下云艸相漸苞也。从艸斬聲。書曰：艸木蘄苞。今書作漸苞。釋文：本作蘄。云：字林：蘄才冉反。草之相苞裏也。蜀都賦：柯葉漸包。劉注：漸苞相苞裏而同長也。案蘄漸一字漸是。段借字漸有進義。故蘄訓苞裏。其引申之義爲茂盛也。

後漢梁鴻傳：惟季春兮華阜，麥含含兮方秀。吳都賦：穉秀穉亦麥名，此言秀也。

### 秒芒穢果羸

秒芒互訓。說文：秒禾芒也。禾芒曰秒。猶木末曰杪。說文杪木標末

也。漢書敘傳：造計秒忽。劉德注：秒禾芒也。字通作翽。太史公自序間不容

翽忽正義。翽字當作秒。秒禾芒表也。說文稱下云：春分而禾生日，夏至晷景

可度，禾有秒。秋分而秒定，淮南天文訓：秒作藁。隨書律麻志：淮南子

云：秋分而禾蘄定，蘄定而禾熟。蘄者禾穗芒也。此後出怪字。注：藁禾穗，稟孚甲之芒也。

說文藁末也九穀考以藁字甲爲藁字榆之誤云藁之字  
甲無芒丁壽昌曰案藁字甲之芒猶言穗芒高注不誤字  
甲卽字  
榆也  
宋書律志秒作標注禾穗芒也九穀考云淮南主

術訓夫寸生於稌稌生於日注云稌禾采稌字榆頭芒也

稌蓋標字之譌字榆乃疊韻字三都賦劉淵林注綃竹字

俞也案程說是也管子隰朋曰夫藁內甲以處中有卷城

外有兵刃兵刃卽指禾芒呂氏春秋言禾先時者莖葉帶

芒以短衡後時者莖葉帶芒而末衡又言得時之黍芒莖

而微下芒莖謂莖刺也穗芒以長先時之稻薄米多芒後時之麻

必芒以長玉篇芒稻麥芒也字或作稭作秣集韻稭稻稭

也又作秣訓同然則芒亦通傳也說文穢禾穢也

廣韻同玉篇後

禾也義未晰

九穀考云禾采成實離離若聚珠相聯貫者謂之

穢與珠璣之璣同意呂氏春秋得時之禾疏穢而穗大得

時之稻長稠疏穢

案稻得備穢亦通義

高注云穢禾穗果羸是也而

徐鍇以爲禾莖失之矣段氏說文注云穢貴疏者禾采緊密每顆皆綻而後能疏也穢疏而穗乃大

凡穀皮稃甲稭糠蠹穢

此謂穀實外皮之稱凡六名也稃者說文稃稭也糲稃或

从米付聲玉篇稃稭也甲也詩生民釋文稃麤糠尔疋言

黍云秠一稃二米謂一皮中含二米也稃通作孚甫田箋

方房也謂孚甲始生而未合時也

案禾黍之實皆有華華辨收卽爲稃而成實此

詩言方是華瓣尙未收故鄭云孚甲始生而未合時也方爲房者象禾皮外裏之形若人所居房舍然也管子言稟中有卷城亦此義又案生民云實方實苞毛傳方極畝也鄭箋方齊等也齊等據苗均極畝據地滿互言文乃備耳大田之方連旣阜言之阜實未堅之偁故方爲穀皮始生生民之方連實苞言之苞訓本亦訓茂皆指莖葉言故方爲極畝爲齊等文淮南天文訓注稟禾穗稟孚甲之芒同義異各有因耳

也月令鄭注麥實有孚甲屬木菽實孚甲堅合屬水是孚爲穀皮通傳也甲者管子隰朋曰夫稟內甲以處春秋說

題辭稟四變入曰米出甲詩甫田箋月令注淮南注所言

孚甲皆謂穀皮

案甲義兼艸木凡草木萌芽裹籜始生謂之甲如易言百果草木皆甲坼月令鄭注

言物之孚甲始生是也

檜者說文云檜稌也讀若裏玉篇檜麤糠也

一切經音義二引字書檜麤糠又引通俗文米皮曰檜趙

宦光說文長箋云聚禾去皮故从會案穀皮外合中以含  
米故稽讀若裏非必聚禾乃爲稽去皮乃爲糠也糠者說  
文云糠穀之皮也康糠重文玉篇糠米皮也廣韵糠穀皮  
糠俗案糠之言空也空其中以含米因謂其外皮曰糠凡  
脫粟未脫粟皆得稱之呂氏春秋任地篇子能使粟圜而  
薄糠乎密時篇得時之禾粟圜而薄糠

注薄糠言米大也

得時之

黍搏米而薄糠後時者短穗而厚糠得時之稻搏米而薄  
糠先時者多粃厚糠後時者厚糠多粃史記吳王濞列傳  
里語有之飶糠及米此未脫粟者稱糠也莊子逍遙游塵  
垢粃糠天運篇播糠眯目則天地四方易位矣墨子非樂

上不可食糠糟

史漢書糟糠同

公輸篇舍其粱肉鄰其糠糟而欲

竊之備城門篇灰康糝杯馬矢

畢氏沅說杯卽斃字通典守拒法有灰斃糠糝馬矢

呂氏春秋重已篇是師者之愛子也不免乎枕之以糠詩

生民毛傳或簸糠者周禮太師鄭注擊拊之拊謂形如鼓

以韋爲之著之以糠

木伏生大傳

史記陳平傳亦食糠覈耳

漢書

同漢書貢禹傳妻子糠豆不贍易林大畜之益小過之比

並云南箕无舌飯多砂糠晉書孫楚傳簸之颺之糠糝在

前此已脫稟者偁糠也

包君敏甫曰今人亦有粗糠細糠之分細糠可食粗不可食如所云

糟糠之妻則細糠耳

蠱者爾雅釋器云康謂之蠱郭注康皮也

案樂器用

康可證鄭注擊拊之義

左昭元年傳於文皿蟲爲蠱穀之飛亦爲蠱

杜注穀久積則變飛蟲名曰蠱案穀久積則皮碎脫迎風揚之則皮碎脫者皆飛小如蠨螋似蟲之飛故曰穀之飛爲蠱此蠱指穀皮言若論衡商蟲篇穀蟲曰蠱蠱若蛾矣是穀中所生蟲雖亦名蠱而不可以解左傳穀飛之文杜注未明晰農書晉末荊州久雨粟化爲蟲蟲害民疑作蠱字春秋云穀之飛爲蟲是也中郎王義興表曰臣聞堯生神禾而晉有蟲粟陛下自以聖德何如也亦以蠱爲所生之蟲與杜預同謂之穉集韻穉稌也

禾相倚移曰移禾繇曰秬禾傷雨曰穉

說文移禾相倚移也呂氏春秋辨土篇苗其弱也欲孤其長也欲相與俱其孰也欲相扶相扶卽倚移之義段氏云

倚移疊韻讀若阿那攷工記鄭司農注兩引倚移從風今  
上林賦作旖旎從風說文於禾曰倚移於旗曰旖旎於木  
曰檣旒皆謂阿那也表記衣服以移之鄭注移讀如禾汜  
移之移移猶廣大也禾汜移猶言禾蕃多案段說是也禮  
記玉藻手足毋移注移之言靡迤也疏移謂靡迤搖動也  
列子黃帝篇壺子曰吾與之虛而倚移猶言虛而與之委  
蛇也此皆引申之義也說文秝禾繇兒讀若昨玉篇秝徐  
各徐故二切禾搖兒廣韻秝字兩見一云禾稼兒一云禾  
稼動搖廣雅穠敗也又穠黑也疏證字亦作黹列子黃帝  
篇飢色奸黹卑蒼作穠謂禾傷雨而生黑斑也今人猶謂

物傷濕爲穠聲如梅案玉篇穠黑也禾傷雨也廣韻穠禾傷雨也蓋本埤蒼

離本曰籽凡治潰葉曰鬪轆禾曰案

說文籽離禾本詩甫田或耘或籽毛傳籽離木也陳君頌甫詩毛

傳疏曰詩實方實苞實種實衰傳苞本也種離種也種當

作種苞之言固苞訓本謂固苗之本此後稷剛田之制漢

書食貨志後稷始剛田以二耜爲耦廣尺曰剛長終晦三

剛一夫三百剛而播種於剛中苗生三葉以上稍壯耨隴

草因隴其上以附苗根此其義也管子五行篇苗足本尹

注足猶擁也亦其義也離種與莊子離腫無用義殊正義

誤引之以解爲充肥之貌釋漢書食貨志引籽作芋云芋

文作雜種涉箋生不雜而誤

附根也漢光和四年三公山碑亦云或耘或芋芋與籽同

說文鬪治黍禾豆下潰葉也案玉篇鬪黍豆也廣韻鬪黍

豆潰葉也並有脫誤說文案轅禾也段注轅讀如勞卽齊  
民要術所謂勞也郎到切賈思勰曰古曰耨今日勞說文  
耨摩田器今人鄙語曰摩勞種穀之法苗旣出壟每二經  
雨白背時輒以鐵齒鋤橫杷而勞之杷法令人坐上  
數以手斷去艸如此令地輕易鋤省力中鋒止苗高一尺  
鋒之案賈云鋒之謂鋤之也勞之而後鋒之然則案之而  
後耨之矣

凡禾一束曰秉二束曰兼四秉曰筥筥穡也十筥曰稷五稷  
曰秭十稷曰秬四百秉爲一秬

大田彼有遺秉毛傳秉把也說文秉禾束也从又持禾秣

部云兼持二禾兼持一禾鄭注聘禮云此兼謂刈禾盈手

之兼也儀禮聘禮曰禾四秉曰筥十筥曰稷小余疋秉四日筥筥十日

覆宋咸曰筥稷乃多十稷曰秬說文五稷爲秬一曰數億少之差案稷乃稷誤

至萬曰秬二秬爲秬周禮曰二百四十斤爲秉段注云此七字妄人

所增當刪聘禮記曰十斗曰斛十六斗曰簋十簋曰秉二

百四十斗云二百四十斗者經致饗米三十車每車秉有

五數計之得二十四斛爲二百四十斗也此說米之數與

禾無涉鄭君所謂米禾之秉筥字同數異妄人乃益之曰

爲秉與下文言禾之四秉曰筥相屬而

轉寫又斗譌斤會謂許君而有此乎 四秉曰筥十筥曰

稷十稷曰秬四百秉爲一秬案周禮卽指聘禮鄭注聘禮

云筥穧名也若今萊陽之間刈稻聚把有名爲筥者詩云

此有不斂穧又掌客注云禾稹實並刈者也筥讀爲棟栳

之梛謂一齊也據鄭注是筥齊皆禾四把之名爾雅齊獲也郭注獲禾爲齊說文齊穫刈也一曰撮也陸氏詩釋文云齊獲也獲穫古通用周書大開武解旣秋而不獲維禽其饗之儒行不隕獲於貧賤釋文獲本又作穫荀子富國篇一歲而再獲之注獲讀爲穫是也獲有取義故齊可訓獲因之所獲之禾把亦得名齊孔氏詩正義齊者禾之鋪而未束者廣韻齊禾把數是也此引申之義也稷秭秠者亦禾把之名魯語其歲收田一井出稷禾秉芻缶米

韋昭注聘

禮曰十六斗曰庾十庾曰秉秉一百六十斗也四秉曰筥十筥曰稷稷六百四十斛也案詩大田正義云禾之秉一把耳米之秉則十六斛禾之筥四把耳米之筥則五斗米禾之秉筥字同而數異廣疋疏證云量名之秉爲十六斛

比於斗斛數爲最多之數禾束之秉爲一把比於筥稷耗爲最少之名韋昭誤以禾束之秉爲量名之秉特以秉爲一百六十斗嗣作二百與許氏異耳廣疋秉四曰筥之文正承與十日秉之下蓋亦與韋許同誤 鄭注周

禮云稷猶束也段氏云穊十而總束之則爲稷故曰猶束也案莊子則陽篇是稷稷者何爲耶注稷聚貌聚束義近

字通作總禹貢百里賦納總某氏傳禾稔曰總謂以所取之禾束爲總把入賦於天子也蓋禾把名總因之禾把之

數亦得名總說文總聚束也與鄭注稷訓束義同

又案詩羔羊五

總傳總數也說文布之八十縷爲稷史記孝景本紀令徒隸衣七稷布索隱正義皆云蓋七升布用五百六十縷漢書王莽傳一月之祿十縷布二匹孟康云縷八十縷也稷總縷並同 周禮掌客云車三秬薪

芻倍禾注秬讀爲秬秬麻苔之秬疏秬者禾束之總名廣

韻耗禾束又聘禮注一車之禾三耗爲千二百秉三百筥  
三十稷也說文四百秉爲一耗三耗故千二百秉也說文  
五稷爲秭一稷四十秉五稷二百秉也許又云數億至萬  
曰秭者此本詩萬億及秭傳但說秭之數亦各不同詩釋  
文所記別本及正義本毛傳皆作數億至億曰秭尔足秭  
數也郭注今以十億爲秭若甄鸞五經算術徐岳數術記  
遺及廣韻引風俗通所備秭數益復參錯是知多少之數  
皆得名秭不必彊同也

又案詩釋文云韓詩曰陳穀曰秭  
秭有積義因之陳穀亦名秭與毛

傳義  
相備

種束也秭補粉秭齊也

俱本廣雅案玉篇種禾束也廣韻種束也廣雅補字兩訓  
一訓穡一訓積玉篇補禾積也王氏廣雅疏證云聘禮疏  
云筥穡一也卽今人謂之一鋪兩鋪也管子度地篇當秋  
三月利以疾作收歛無留一日把百日舖舖鋪並與補同  
案廣韻補刈禾治補又禾穢積也蓋刈禾束之曰補因之  
禾束亦偁補焉管子立政云歲雖凶旱有所粉穫玉篇粉  
粉穢也廣韻粉穢穫也集韻粉穢也管子揆度篇上農挾  
五中農挾四下農挾三挾疑與穢同謂其所穫可食五人  
四人三人也下云上文衣五中女衣四下女衣三文義正  
同

積禾曰積積聚也秩積也把取禾若曰蘇

說文積積禾也从禾資聲詩曰積之秩秩廣雅積積也案

詩積之粟粟毛傳粟粟衆多也又有實其積萬億及秭廣

雅秭積也積之爲積猶秭第之爲積也說文積聚也

段本改也

爲見案也字義協不必改秩積也詩曰積之秩秩注云積之必有次序

成文理是曰秩詩假樂傳云秩秩有常也斯干傳云秩秩

流行也巧言傳云秩秩進也賓之初筵傳云秩秩然肅

敬也釋訓云條條秩秩智也又云秩秩清也皆引申之義

說文蘇把取禾若也

把字段氏改

禾若卽禾皮上段氏注云離

騷蘇糞壤以充幃兮王逸曰蘇取也韓信傳曰樵蘇後爨

師不宿飽漢書音義曰蘇取草也此皆假蘇爲蘇也

禾 海內西經昆侖之虛上有木禾長五尋大五圍郭

注木禾穀類也生黑水之阿見穆天子傳案穆天子

傳黑水之阿爰有荅堇西膜之所謂木禾郭注木禾

稟類也長五尋大五圍見山海經云據此是荅堇卽

木禾之名後漢張衡傳思元賦發昔夢於木禾兮穀

崑崙之高岡李賢注亦引海內經爲證又齊民要術

感禾扶疏生實似大麥揚禾似藿粒細左折右炊停

則芽生大禾高丈餘子如小豆出稟持國又廣志渠

禾蔓生實如葵子米粉白如麩爲饘粥牛食之肥六

月種九月熟此侑禾也王嘉拾遺記背明之國有搖  
枝粟其枝長而弱無風常搖食之益髓有鳳冠粟似  
鳳鳥之冠食者多力有遊龍粟葉屈曲似遊龍也有  
瓊膏粟白如銀食此二粟令人骨輕此侑粟也廣志  
赤粱之外有解粱貝粱又鹽鑽粱粒如蟣子魏文帝  
以爲粥此侑粱也凡所侑引不知於今爲何穀抑所  
謂荒渺之談方俗之侑附識於此以廣異聞云耳

寶應劉寶楠

黍嘉穀

說文禾嘉穀也黍禾屬而黏者也

黍亦有不黏者特較禾爲黏耳古今注稻之黏

者爲黍亦謂稌爲黍案此以稻亂黍非

以大暑而種故謂之黍夏小正五月

初昏大火中種黍菽糜

九穀考云糜字衍文

尙書大傳並考靈曜淮

南子說苑云大火中種黍菽易林恒之革云六月種黍歲

晚無雨九穀考曰呂氏春秋任地云日至樹麻與菽麻生

於二三月夏至後則刈牡麻矣今云日至樹麻其爲樹糜

之譌無疑諸書言種黍皆云大火中是以夏至而種也說

文獨言以大暑而種蓋言種黍之極時其正時實夏至也

汜勝之種植書黍暑也種者必待暑與說文同亦以極時

言之案農政全書引汜勝之書曰先夏至二十日此時有

雨疆土可種又引齊民要術言種黍稷之法

黍稷之  
不黏者

三月

上旬種者爲上時四月上旬爲中時五月上旬爲下時夏

種黍稷與植穀同時非夏者大率以椹赤爲候唐書回鶻

列傳黠戛斯國糜

原誤  
糜

稷以三月種九月穫崔寔四民月

令曰四月蠶入簇時雨降可種黍禾夏至先後二日可種

黍據此諸說是黍稷之種早晚無定時也齊民要術又云

凡稷欲早刈黍欲晚雜陰陽書云黍生於榆六十日秀後

六十日成

全書引

案黍生於榆當在三月此黍專指糜

稌齊民要術所謂三月上旬種者爲上時也種早則收早

種晚則收晚然糜稌於他穀爲熟之最疾者九穀考云黍

之不黏者其熟最疾播在黏者之後

此句誤

穫在黏者之前

孟子曰夫貉五穀不生惟黍生之以貉地生物之氣時日

最短故必中土熟之最疾者播乃有秋然則孟子之所謂

黍蓋黍之不黏者所謂稌也後漢書烏桓列傳其土地宜

稌三國志烏丸傳注引王沈魏書烏丸地宜青稌唐書北

狄傳奚稼多稌奚卽烏桓也殆卽孟子所謂貉與案據程

說是糜稌收穫甚早故陰陽書言歷百二十日卽成則爲

今之六月而唐書云黠戛斯國糜稌以三月種九月穫此  
或其地氣之異又或誤認黏黍爲糜稌耳月令仲夏之月  
農乃登黍是月也天子乃以雛嘗黍鄭注此嘗雛也而云  
以嘗黍不以牲主穀也孔疏云如鄭此言則黍非新成直  
取舊黍故下孟秋云農乃登穀注云黍稷於是始熟明仲  
夏未熟也蔡氏以爲此時黍新熟今蟬鳴黍是也非鄭義  
也案月令明言登黍是黍爲新成之穀若是舊黍則取之  
倉廩自足給用奚煩農人之登哉蔡邕目驗當時黍有此  
種故舉以釋月令夏小正二月往耒黍禫孔廣森補注此  
早黍也二月種五月熟或謂之蟬鳴黍管子曰日至百日

黍稷之始也據孔此言則早黍種於二月蓋舉其最先者  
言之而程氏九穀考謂管子輕重丁篇所云日至百日尚  
非種黍之時則猶爲一偏之見矣俞君理初

正燮

癸巳存

稿鄆陵亦有早黍曰奪麥場三四月種與麥同收此或是  
蟬鳴黍蓋皆糜稌之類尤爲熟之最疾者矣黏黍收穫最

遲與紅高粱先後故詩言稷苗稷穗稷實高粱由苗以至  
成實而黍則仍言離離可知其收刈最後於諸穀矣

本九穀考

嘉穀禾黍之通稱生民誕降嘉種惟秬惟秠惟糜惟芑嘉  
種說文作嘉穀糜芑謂禾秬秠謂黍故說文秠下云天賜  
后稷之嘉穀也國語晉語公子賦黍苗子餘曰重耳之印



聲春秋傳曰不義不黏

段注今左傳作暱考工記弓人凡暱之類不能方故書暱或作穢杜

子春云穢讀爲不義不暱之暱或爲黏黏也案許所據

左傳作黏爲長黏與暱音義皆相近朱學勤曰九經字樣

出黏字注黏也見春秋是

黏黏或从双

尔疋釋言

黏履黏

也从黍黏省聲黏古文利作履黏目黍米也方言黏黏也

齊魯青徐自關而東或曰黏或曰黏黏也

案黏或作黏招魂秬救蜜

餌王逸注以蜜和米麩熬煎作秬救擣黍作餌

廣雅黏黏黏黏黏黏也案黍本

黏穀故黏黏等字皆從黍本以名黍其後他物亦通稱焉

黏黍不黏麩麩稌黍稷

說文黍禾屬而黏者也

九穀考曰師古注急就篇云黍似案而黏蓋用說文黍禾屬而黏之

語而改禾爲黍字者意蓋以粟爲稷耳案儀礼士昏礼贊爾黍注古文黍爲稷然則稷黍相混已久

孔子

曰黍可爲酒故从禾入水也糜稌也稌糜也案糜稌二名

一物倉頡篇稌大黍也似黍而不黏關西謂之糜玉篇稌

關西糜似黍不黏穆天子傳赤烏之人獻稌麥百載郭注

稌似黍而不黏又曹奴之國獻稌米百車文山之人獻稌

米千車鷓韓氏稌麥之所草呂氏春秋木味篇飯之美者

陽山之稌注關西謂之糜冀州謂之粳眾經音義知大般  
涅槃經有粟床二

字云字體作糜糜二形同忙皮反禾稌也關西謂之床冀  
州謂之稌九域志宋史地理志俱云秦州有床穰堡案此

後出後漢書烏桓傳其土地宜稌說文穰程穀名廣雅穰

穰穰程稌也玉篇穰程稌名廣韻糜粳稌別名穰程稌名

九穀考曰古今注禾之黏者爲黍亦謂之稌亦曰黃黍是

謂黍爲禾之黏者其不黏者卽禾矣大繆今山西人無論黏與不黏統評之曰糜黍又冒黃粱之名評黏者曰軟黃粱不黏者曰硬黃粱太原以東則評黏者爲黍子不黏者爲糜子余居武邑武邑人亦評之曰黍子糜子而評黍之米曰黃米糜之米曰稷米北方稷稌音相近稌奪稷名承譌日久論者因謂稷稌一物而以黏不黏分黍稷失之矣糜一曰稌飯用米之不黏者黏者釀酒及爲餌資醜粥之屬故簋簋實糜爲之以供祭祀故又異其名曰稌少牢特牲饋食之禮尸嘏主人本爲炊糜爲飯不相黏著故有搏黍之儀若用黏黍爲之胡爲乎必令佐食者搏之而後授

尸哉案程說是也呂氏春秋異寶云今以百金與搏黍以示兒子兒子必取搏黍矣黍卽謂糜而云黍者黍其大名故得通稱焉內則飯黍論語爲黍亦當指糜言 又案介

正柜黑黍周禮籩人其實麴蕡白黑注黍曰黑儀禮有司徹婦贊者執白黑以授主婦鄭注黑熬黍左僖二十九年

傳饗有昌歠白黑形鹽杜注黑熬黍則黑黍也內則飯黍

鄭注黍黃黍也稷稻粱白黍黃粱則白黍也九穀考云糜

之米正黃色黍之米淡黃色色愈淡則其米愈黏案淡黃之色卽

近白務本新書云有與糯米相類者曰黃米是也舊呼糯不

換造酒爲佳則黃黍也韓非子吳越欲攻秦小亭置一石

赤黍東門外

山後國學雜聞引今內儲說作赤菽

伏生五行傳新器絜以祀

用赤黍素問南方其穀黍王砭注黍赤色則赤黍也

九穀考云

赤黍白黍蘇頌圖經以冒薹芭是

不知薹芭爲禾之赤白苗也又齊民要術引廣志云稌

有赤白黑青黃凡五種陳藏器本草拾遺云糜稌一物性冷塞北最多如黍黑色隋書禮儀志北齊藉于帝城東南千畝內種赤黍黑稌三國志注烏丸宜青稌九穀考云內則飯黍稷稻粱注黍黃黍也黃黍者糜也案此則黍糜米色略同蓋一種而以黏不黏分名也

秬黑黍其皮曰秠秠一稔二米

余疋秬黑黍秠一稔二米李巡注黑黍一名秬郭璞注漢

和帝時任城生黑黍或三四實實二米得黍三斛八斗生  
民惟秬惟秠閼宮有稻有秬毛傳鄭箋並宗爾雅左傳黑  
牡秬黍以享司寒楚辭天問咸播秬黍後漢班固傳元秬  
黃黎李賢注元秬黑黍也說文鬻黑黍一稔二米以釀也  
秬鬻重文秠一稔二米案古者以黍釀酒獨宗廟專用黑  
黍故別名鬻以異之管子地員篇五剽之土其種大秬細  
秬字亦作苴大荒南經維宜苴苴穆楊是食郭注苴黑黍  
今字作禾芴是也秠者黑黍之皮卽稭也九穀考云鄭氏  
鬻人注曰釀秬爲酒秬如黑黍一稔二米生民詩孔氏疏  
所見鄭注作秬如黑黍一秠二米以秠字易尔疋之稭字

也其言曰鬯人注言如者以黑黍一米者多秬爲正僂二米則秬中之異故言如以明秬有二等也秬爲二等則一米亦可爲酒注必言二米者以宗廟之祭惟裸爲重二米嘉異之物鬯酒宜當用之故以二米解鬯其實秬是大名故云釀秬爲酒爾雅秬一稔二米鬯人注一秬二米文不同者鄭答張逸云秬卽皮其稔亦皮也尙疋重言以曉人然則秬稔古今語之異故鄭引爾雅得以稔爲秬也據此則是秬原包一稔二米者而秬卽秬之皮耳但一稔二米不能不異其名故義取諸皮之含米者異而名之爲秬也案程說是也字林秬黑黍一稔二米以秬易秬明以黍皮

稱其米也管子剡土之次曰五沙其種大蕘細蕘白莖青  
秀以蔓尹注曰蕘草名王氏伯申云尹說非也此篇凡言  
某某者皆指五穀而言蕘聲與秬相近

金滕是有丕子之  
責于天史記魯世

家丕  
作負上文云其種大秬細秬此言大蕘小蕘是蕘卽秬也  
凡黑穀秬

素問六元正紀大論云其穀齡元而五常政大論云其穀

齡秬氣交變大論云其穀秬並以秬爲黑穀

本九  
穀考

莖謂之梨梨已治謂之穰

說文梨黍穰也穰黍梨已治者廣雅黍穰謂之稊稊梨一

也字又作穰玉篇廣韻並云稊或作穰是也又通作莠作

厲襄二十九年左傳云使巫以桃茱先祓殯杜注茱黍穰

正義云檀弓云以巫祝桃茱執戈鄭元云茱若桂謂亂穗

也

案玉藻注亦云茱若莢蒂

杜云茱黍穰者今世若莢蒂或用亂穗或用

黍穰是二者皆得爲之也鄭衆注周官喪祝作桃厲釋文  
厲音例記作茱黍若穰也是也考說文茱芳也芳葦華也  
茱梨二字義異而音同杜氏以茱爲黍穰者謂茱卽稊之  
假借

禾別曰稊黍別曰稊稊別曰稊莢

左定十年傳用稊稊也杜注稊草之似穀者九穀考云說

文稊禾別也

案余正釋文引字林稊禾別名也名字當誤衍

京東州縣農家種之

莖勁采不下垂略似粟但穀色近黑耳宋靖康之亂沒爲  
奴婢者使供作務人月支稗子五斗春得米八升由是言  
之稗斗才得米壹升六合耳而農人種之者所以備凶年  
汜勝之云稗堪水旱種無不熟是也又說文穉黍屬丙申  
歲居京師庭中苾種後生一本數十莖貼地橫出至生節  
處乃屈而上聳節如鶴膝莖淡紫色葉色深綠每一莖又  
節節抽莖成數穗穗疏散至大暑後而穀熟光澤如黍見  
農人問之曰此野稗也亦曰水稗玉篇廣韻穉皆有稗音  
穉爲黍別無疑也梁太清三年鄱陽王範屯濡須糧乏采  
菰稗菱藕以自給其所謂稗卽野稗也曹植七啓云芳菰

精稗亦指野稗謂之精者修辭家之美稱案農政全書稗子圖下云有二種水稗生水田邊旱稗生田野中今皆處處有之苗葉類稂子葉色深綠腳葉頗帶紫色稍頭出扁穗結子如黍粒大茶褐色與程氏說略同李時珍曰稗處處野生最能亂苗其莖葉穗粒並如黍稷

此句不可憑時珍誤以稂爲稷

稂是不黏之黍故與稗易亂

一斗可得米三升故曰五穀不熟不如稗

稗考稗穉字皆从卑而稗爲旱種穉爲水種後人言水植亦備稗者通用字也稗米粒小故稗官稗史皆取爲名廣雅稗小也漢書藝文志如淳注偶語爲稗是也

如淳稗官注引九章

細米爲稗此誤也細米之字作稗不作稗稗官取義微賤如稗米之爲禾別不必引九章爲證爾雅蒹芡

郭注稊似稗布地生穢草邵氏正義稊一名英孟子云不  
如莢稗莢卽稊也莊子知北遊云道在稊稗李氏以爲二  
草名稊有米而細故別於秕秋水篇云似稊米之在太倉  
司馬彪云稊米小米也一切經音義引余正注云莢似稗  
布地穢草也今之稗子是也案稊似稗耳非卽稗也謹案  
邵說是也余正翼曰稊與稗二物也皆有米而細小文選  
射雉賦稊菽藁糝徐注稊稗類也稊與稊同李時珍曰稊  
苗似稗而穗如粟有紫毛卽烏禾也予謂稗與稊形皆  
類禾黍農家取之以備凶年則亦荒穀也 案農政全書

稗子苗葉類稊子又稊子圖說云生水田中及下溼地內

苗葉似稻但差短稍頭結穗彷彿稗子穗其子如黍粒大  
茶褐色味甘包君慎伯齊民四術曰稗子本草種今多植  
者稗略似薏米或名龍瓜鴨瓜稗皆狀其穗也米形似稟  
四五月種八九月收不擇肥磽耐水旱最能保歲收成勝  
稟煮飯甚香滑益氣厚腸胃磨麵作餅味爲劣釀酒味勝  
糯米汁少減稗中糞可飼牛馬古名稗子名選皆謂稗案  
如農政全書是稗子與稗子爲二物包君則以稗子稗子  
爲一物而以爾雅之英當之選與英同吾鄉亦名稗子爲  
稗則稗亦稗之別種郭注爾雅以稗爲似稗布地生與程  
氏所見野稗貼地橫出正合而與今所見之稗子挺生禾

中者不同蓋爾雅稊莢卽是稗類而今之稊子又爲稗別  
非是稊莢也稊莢二名一物包君止以選當稊子不及稊  
字並誤惟包君言安嶽一帶有種稊子者功用乃亦極多  
而吾鄉則惟瘠田生之凡穀必簸去稊子以供鴨食其結  
實飽綻雖簸亦不淨者穀價比常價才及十之三四惟攪  
雜碎米中乃用以煮粥絕不知有作餅釀酒二法當用包  
君之言爲之先導也

近詢吾鄉農人亦知此二法

黍 農政全書引廣志有牛黍燕額馬革驢皮稻尾溼

屯黃田堰雲鶯領諸名皆俗傳不足依據又全書野  
黍圖云生荒野中科苗皆類家黍而莖葉細弱穗甚

瘦小黍粒亦極細小味甜性微溫案野黍余所未見  
且不知於稗菥何屬附識於此

稷五穀之長謂之首種

稷今之高梁也白虎通義社稷篇稷五穀之長故立稷而  
祭之也又云稷者陰陽中和之氣而用尤多故爲長也說  
文稷稟也五穀之長稷古文稷風俗通祀典篇稷者五穀  
之長獨斷稷五穀之長也因以稷名其神也月令鄭注稷  
五穀之長九穀考云內經金匱眞言論岐伯曰東方青色  
其穀麥王砮注云五穀之長者麥故東方用之  
引本草云麥爲五穀之長後漢書祭祀志引孝經援神契  
日稷者五穀之長也注引月令章句曰稷秋夏乃熟歷四  
時備陰陽穀之貴者案月令章句乃蔡邕書卽釋文所謂  
蔡云宿麥者以麥爲首種以麥爲稷此皆異聞之當存而

不論者也家語孔子曰黍者五穀之長祭先王以爲上盛此蓋長其所貴義不相妨也 廣韻稷五穀

總名程大昌演繁露云職方氏并州宜五稷后稷社稷皆

取此九穀考據之亦從其說案稷爲五穀長非爲五穀總

名職方本作五種上有豫州五種兗州四種幽州三種俱

不作稷演繁露就誤本爲說不足依據且以稷爲梁秦漢人稷

梁不分說以稷爲黍陶隱居蘇恭蘇頌說見下以稷爲稌

見禾類以稷爲黍廣韻稷一日黍屬亦誤以稷爲稌稷稌音相近故稌奪稷名說見黍類以麥爲稷蔡氏月令章句說見上注九穀考既皆辯

而非之此又以稷爲五穀總名誤也月令孟春行冬令首

種不入鄭注舊說首種謂稷淮南子時則訓作首稼不入

高誘注百穀惟稷先種故曰首稼首卽先也此亦約略言之管子

臣乘馬篇日至七十日陰凍釋而藝稷

九穀考云國語農祥辰正土乃脈發

先時九日大史告稷曰自今至於初吉陽氣俱蒸土膏其動稷以告王曰史帥陽官以命我司事曰距今九日土其俱動王其祇祓監農不易先時五日警告有協風至王卽齊宮及期王行及藉后稷監之王耕一發班三之庶人終於千畝是日也廩於藉東南鍾而藏之而時布之於農案先時九日先時五日者先初吉之日也初吉者始耕之期卽月令所謂乃擇元辰也鄭氏注元辰蓋郊後吉亥孔疏引皇氏云耕用亥也然則立春後郊以上辛乃擇郊後之亥日而耕左傳所謂啓蟄而郊郊而後耕是也呂氏春秋云冬至後五旬七日莒始生於是始耕案冬至後數至立春四十五日如立春後浹辰逢亥以爲王始耕之期則自冬至數至是爲五旬七日也是時王耕猶未播種故曰廩於藉東南鍾而藏之鍾量名以鍾受穀種而藏之於廩蓋內宰職上春詔王后帥六宮之人所生種稷之種以獻於王者是日藏之至可播時乃以次布於農也王耕後又浹旬可以播首種矣於是出種以布於農而使播之蓋自冬至後至是爲七旬卽管子書所謂日至七十日而藝稷也

百日不藝稷

輕重已篇又云日至百日黍稷

之始也。秬、秳之類者，遂啓後人。秬、黍相似之說，乘馬篇云：「百日不藝，秬而此言黍秬之始，則又似藝秬矣。」傅元、孔穎達、葉水心皆言輕重篇後人。是春種諸穀，秬最爲先。故云所加或不誣矣。說本九穀考。

**首種**

九穀考引鳳陽諺云：「九裏種，伏裏收，豐潤諺亦有九裏種。」高粱之說，案程氏特就最早者言之。今北方種

高粱有遲至三四月者，是藝秬早晚固無定時，但較之種禾黍爲最先耳。月令孔疏引考靈曜云：「日中星鳥，可以種秬。」九穀考云：「恐其所指猶是。」謂梁說介疑似，余所不憑。陸氏月令釋文杜氏通典載

王方慶疏皆引蔡邕以首種爲宿麥。

案舊唐書八十九引月令章句麥以秋種

故謂之首種

宿麥於仲秋勸種，安得爲首種。

本九穀考

**糞稷衆秣**

別四名。爾雅：糞稷、郭注。今江東人呼粟爲糞衆秣。郭注謂

黏粟也。

本孫炎

邢疏：衆一名秣，謂黏粟也。

案稷亦得通，傅粟然。孫郭及邢疏直

以稷粟爲一物不知粟爲禾  
之本節也此不可以不辨  
北人用之釀酒其莖稗似禾

而麤大者是也案說文稷稷也稷稷也稷稷或从次作稷  
稷之黏者朮稷或省禾今經典稷字皆从或體作稷而轉  
譌又從米作粢非也李時珍謂稷卽梁米蓋用孫炎郭璞  
稷爲黏粟之說而以稷粟爲一物亦非也

### 黏稷不黏稷

說文稷稷之黏者稷爲黏則稷爲不黏廣雅疏證云高粱  
不黏者粢稷也其黏者粢稷也故俗又謂之稷稷以黏者  
釀酒不黏者飼馬牛案左氏桓二年傳粢食不鑿飯用稷  
之不黏者故爲粢食月令仲冬乃命太酋稷稻必齊麴蘖

必時秫稻皆可爲酒

說文杜康作秫酒

又可爲餌養醜粥之屬內

則云菽麥蕡稻黍粱秫惟所欲蓋老者不使稷食而稷之

黏者則可以養老也唐蘇恭以稷與黍爲秬秫秬者不黏

秫者黏也宋蘇頌圖經又以黏爲秫不黏爲黍並誤

本九穀考

凡察穀糞黏稻秫

段氏說文注曰周禮甸師齎盛注云糗者稷也穀者稷爲

長案經作齎注作糗此經用古字注用今字之例周禮齎

盛字鄭易爲糗者三甸師肆師大祝也小宗伯六齎注云

齎讀爲糗此易齎爲糗之證案本謂稷何以六穀統名糗

則以稷爲穀之長故得粱之米本謂禾凡穀皆得名米糗

盛之案猶是矣甫田作齊亦作盥毛曰器實曰盥而左傳禮記皆作案盛是可證盥案同字穀名曰案用以祭祀則曰盥別之者貴之也今經典案皆爲案而稟字且不見於經典矣廣韻曰稟祭飯也玉篇曰黍稷在器曰稟知舊本經典故作稟盛案段說是也春人注盥盛謂黍稷稻粱之屬小宗伯六盥注盥讀爲案六盥謂六穀肆師表盥盛注案六穀也左傳杜注黍稷曰案是齋爲祭穀通傳也周禮鍾氏染羽以朱湛丹秫鄭司農云丹秫赤粟九穀考謂稷之黏者黃白二種不黏者赤白二種是稷之丹者不黏也鍾氏丹秫指稻不指稷蓋稷之黏者名秫稻之黏者亦名

秣吾鄉人稱爲紅糯稻卽此鍾氏取其丹而黏故以朱湛  
之以染羽使著色也余正釋文云江東人皆呼稻米爲秣  
米崔豹古今注云稻之黏者爲秣廣韻秣糯也晉書孔羣  
傳今年田得七百石秣米世說新語任誕  
篇作七百斛不足了麴蘖事  
陶潛傳五十畝種秣五十畝種秣唐本草注引汜勝之種  
植書云三月種秣稻四月種秣稻是秣爲黏稻通稱也

### 蜀黍藿梁木稷

別三名廣俗稱也博物志地節三年種蜀黍又莊子曰地  
三年種蜀黍其後七年多蛇農桑輯要載務本新書云蜀  
黍春月早種省工多收耐用明汪穎曰蜀黍北地種之以

備缺糧餘及牛馬穀之最長者南人呼爲蘆稜李時珍曰  
蜀黍宜下地春月布種秋月收之莖高丈許狀似蘆荻而  
內實葉亦似蘆穗大如帚粒大如椒紅黑色米性堅實黃  
赤色有二種黏者可和糯秫釀酒作餌不黏者可以作糕  
煮粥可以濟荒可以養畜稍可作帚莖可織席編籬供  
爨最有利於民者案穀譜謂蜀黍種來自蜀故傳蜀黍九  
穀考辨之云蜀有獨義今正釋山獨者蜀方言一蜀也南  
楚謂之獨又言大義釋獸雞大者蜀釋艸呼蜀葵爲戎葵  
釋詁戎大也則是蜀黍者言稷類之獨大者非種來自蜀  
也今正釋文秬黑黍或曰今蜀黍米白穀黑此又以白高

梁之黑稔者爲秬黍與陳載器以黑糜爲稷其繆顯然皆

不足辨

以上九穀考

案程說是也廣雅藿粱木稷也藿或作荻

穀譜蜀黍一名荻粱是也管子五忒之士其種大稷細稷  
舛莖黃秀細粟如麻稷種率是大者此有細稷蓋言其稍  
小者非別一種也藿粱蜀黍一冒禾名一冒黍名凡皆後  
起之併非通義也

稷

穆天子傳巨蒐之人獻膜稷三十車郭注稷稟也

膜未聞案郭以稷爲稟非也巨蒐卽渠搜列子周穆

王篇亦作巨蒐膜與漠通上文累言西膜郭注西膜

沙漠之鄉是膜稷卽西漠之稷其品物與中國同異

無文以明之廣志秣有胡秣早熟及麥亦與中國不同

稻苾種

周官稻人掌稼下地澤草所生種之苾種鄭司農云苾種稻麥也魏都賦苾種斯阜顏師古漢書注稻有苾之穀總稱也南山經郭注稌稻穰也稌者稻之別名穰者苾粟之名古者稱稻亦爲粟也

稌稻

余疋稌稻郭注今沛國呼稌說文稻稌也稌稻也周禮曰牛宜稌周頌曰豐年多黍多稌毛傳稌稻也王逸招魂注

稻稌也南山經箕尾之山糈用稌米一璧稻米郭注稌稌  
稻也又其祠糈用稌郭注稻穰也案說文稌稻互訓而南  
山經先言稌後言稻稌稻二名二物與說文異蓋對文則  
稌稻有黏不黏之分散文皆通俛也

黏稌不黏稌秬

說文稌沛國謂稻曰稌段注許曰沛國曰稌郭曰今沛國  
呼稌然則稌稌本一語稍分輕重案段說是也稌與秬同  
稌秬並黏稻之俛而稌本是大名故黏者名稌不黏者亦  
名稌司農周禮注以稌爲稷是也七月詩云十月穫稻爲  
此春酒以介眉壽月令仲冬乃命大酋秬稻必齊內則雜

記並有稻醴左傳進稻醴梁糗內經黃帝問爲五穀湯液  
及醪醴岐伯對曰必以稻米炊之稻薪又內則糝醢籩人

餌養並用稻米稻米皆指稷言

本九穀考

字林糯黏稻也糯稷

一字今別作糯非說文稷稻不黏者讀若風廉之廉

段注疑當

同食部作風濂

稷稻屬稷稷重文字林稷稻不黏者史記滑稽列

傳祭以稷稻漢書東方朔傳馳騫禾稼稻稷之地顏師古

注稷其不黏者也賈讓治河策故種禾麥更爲稷稻師古

曰稷謂稻之不黏者也後漢書杜篤傳粳稻陶遂蜀都賦

稷稻莫莫魏都賦水澍稷稻汜勝之種植書三月種稷稻

齊民要術引崔寔四民月令云三月可種稷種是稷卽稷

也晉書陶潛傳五十畝種秫五十畝種秔秫爲黏稻則秔

爲不黏稻矣衆經音義四引聲類云秔不黏稻也江南呼

粳爲秔廣雅秔粳也

文選南都賦注引廣雅秔秔也

玉篇秔秔稻也段氏

說文注云今俗通謂不黏者爲秔米集韻類篇皆云方言

江南呼粳爲秔亦作粳案說文玉篇皆有秔無秔秔

卽秔字音變而字異耳

秔米味香張衡南都賦漑臯香秔鄭氏婚禮謁文贊秔米馥芬魏文

帝與朝臣書江表惟長沙名有好米何得比新成粳稻耶上風炊之五里聞香傳吳七誨孟冬香秔朱書謝靈運傳苾苾香秔案香稻有數種陸魯望詩近炊香稻識紅蓮子所見俗備馬齒秔色紅微香陸詩紅蓮未知是否杜詩香稻啄餘鸚鵡粒疑亦其類又一種香稻色白而黏當是魏文所備五里聞香者

秔稻屬

說文秬稻屬伊尹曰飯之美者元山之禾南海之秬段注  
漢書曰訖於孝武後元之年靡有子遺秬矣孟康曰秬音  
毛無有秬米在者也秬米米名卽所謂稻屬也今本作毛  
米誤案呂氏春秋引伊尹之言秬作秬廣韻秬稻屬引呂  
氏春秋作秬蓋本說文

### 陵稻白稻

管子五臯之士其種陵稻黑鵝馬夫

舊注以黑鵝馬夫爲  
草名然與陵稻文連

疑亦稻名但  
無文以證之

五傑之士其種白稻長狹舊注陵稻謂陸生

稻案禮內則淳熬煎醢加于陸稻上孔疏陸稻者謂陸地  
之稻也陸稻卽陵稻今南方高田稻是也籩人朝事籩實

有白黑鄭司農說稻曰白黍曰黑九穀考云白者白稷指穀色言若稻必舂後乃見白耳案白指稻米儀禮有司徹婦贊者執白黑以授主婦鄭注白熬稻黑熬黍左僖二十九年傳饗有昌歆白黑形鹽杜注白熬稻黑熬黍與司農義合管子有白稻是稻侑白也不必以白爲稷

紫莖不黏謂之穰

說文穰稻紫莖不黏也讀若靡

王氏懷祖云靡爲廣字之譌穰扶沸切廣房未切故

穰得讀若廣以形相邇而譌爲靡

風土記穰穀之紫莖穰稻之有青穰米

皆青白者也穰字疑穰之譌

實落自生謂之秣旅稻稽秣也凡穀野生曰旅曰稻曰稽

說文秬稻今年落來年自生謂之秬

案齊民要術引字林曰秬効稻今年死來

年自生曰秬秬卽秬字形近之譌今字書收入覺韻非段効稻據玉篇効卽珍之古文珍絕也與死落義相近

注他書皆作稽力與切埤蒼稽自生也亦作稽後漢書獻

帝紀尙書郎以下自出采稻

音書食貨志漢建安元年尙書郎官自出採稻

古作

旅史漢皆云鶩鶩主葆旅事晉灼曰葆采也野生曰旅今

之飢民采旅生案漢書天文志參主葆旅顏師古注禾野

生曰旅後漢光武帝紀建武二年野穀旅生麻未尤盛李

賢注旅寄也不因播種而生故曰旅今字書作稽音呂古

字通東觀漢記光武二十年寇恂爲潁川郡大生旅豆得

一萬餘斛以應給諸營宋書符瑞志元嘉二十三年七月

乙丑嘉禾旅生藉田二十四年七月乙卯嘉禾旅生華林

園及景陽山園二十五年六月壬寅嘉禾旅生華林園二

十八年七月癸卯尋陽柴桑菽稟旅生彌漫原野梁書武

帝紀大同三年九月北徐州境內旅生稻稗二千餘頃是

旅爲通稱也

艸木野生亦稱旅博物志家芋種之三年不收後旅生陶潛悲從弟仲德詩宿艸旅前庭

梁庾沙彌傳旅松百餘株自生墳側一切經音義卷一述生宜作稽謂田中不種自生禾豆案述與旅義同不必改

稽三國志王朗傳注魏略曰董遇與兄季仲採稻負販又

世語曰隗禧擔負經書每以採稻餘日則誦習之晉書郭

舒傳採稻湖澤以自給索綝傳百官飢乏採稻自存桓元

傳百姓散在江湖採稻梁書王僧辯傳軍人採稻失火斬

唐書馬燧傳懷州稻生於境

舊唐書馬燧傳爲懷州刺史凡史田中生穠禾人頗便之

所云稻皆是野穀是稻爲通稱也玉篇廣韻云穠自生稻

也新唐書元宗紀開元十九年揚州穠稻生代宗永泰元

年盩厔穠麥生又李時珍解穠豆爲野生是穠亦通稱也

九穀考淮南秦族訓離先稻熟而農夫耨之不以小利傷

大穫也注云離與稻相似耨之爲其少實離秬同聲其卽

秬與他書引淮南注曰離水稗此非高誘注水稗稻田多

生之不先稻熟案秬卽是稻而離但與稻相似則非秬可

知程說亦無據

稗謂之稗

廣雅稗稟也玉篇稗稻稗也

再種再穫異畝同穫同畝異穫一本再穫謂之再熟之稻

荀子富國篇一歲而再穫之吳都賦國稅再熟之稻

張銑注南

人種稻一歲再熟李君榕園彥章曰今湖南湖北安徽江西廣東廣西福建等省皆有兩熟稻

楊孚異物

志交阯稻冬又熟一歲再種

俞益期曰交阯稻再熟而草深耕種難收穀薄

隨書

西域傳高昌國氣候溫暖穀麥再熟新唐書南蠻列傳環

王稻歲再熟此一歲再種再穫也水經注九真太守任延

始教耕犁名白田種白穀七月火作十月登熟名赤田種

赤種十二月作四月登熟此再穫異畝異時也農田餘話

閩廣之地稻收再熟其鄉以清明前先種其早者旬日復

蒔晚稻於行間俟立秋成熟刈去早禾乃鋤理培壅其晚

者盛茂秀實然後收其再熟此再穫同畝異時也廣志稻

有蓋下白正月種五月穫穫其莖根復生九月復熟此再  
穫一本兩刈也

聖祖御製幾暇格物編云豐澤園中有水田數道布玉田  
穀種歲至九月始刈穫登場一日循行阡陌時方六月下  
旬穀穗方穎忽見一科高出眾稻之上實已堅好因收藏  
其種待來年驗其成熟之早否明歲六月時此種果先熟  
從此生生不已歲取千百四十餘年以來內膳所進皆此  
米也其米色微紅而粒長氣香而味腴以其生自苑田故  
名御稻米一歲兩種亦能成兩熟口外種稻至白露以後  
數天不能成熟惟此種可以白露前後收割故山莊稻田

所收每歲避暑用之尙有贏餘曾頒給其種與江浙督撫  
織造令民間種之聞兩省頗有此米惜未廣也南方氣暖  
其熟必早於北地當夏秋之交麥禾不接得此早稻利民  
非小若更一歲兩種則畝有倍石之收將來蓋藏漸可充  
實矣寶楠謹案此米蓋稻之最貴者今亦名玉堂米卽玉  
田之轉音惟一歲再熟利澤甚溥故謹記於此

歲再熟三熟四熟九熟月熟旬熟地氣異也

再熟見前荊州記淮陽郡西北接萊陽縣有溫泉其下流  
百里恒資以灌溉常十二月一日種至明年三月新穀便  
登重種一年三熟周去非嶺外代答欽州地暖無月不種

無月不收正二月種者曰早禾至四月五月收三月四月種曰晚早禾至六月七月收五月六月種曰晚禾至八月九月收而欽陽七峒中七八月始種早禾九十月始種晚禾十一月十二月又種名曰月禾顧介海槎餘錄僮耳種早稻曰山禾粒大而香連收三四熟唐書西域傳天竺土澠稻歲四熟抱朴子南海晉安有九熟之稻隨書婆登國有月熟之稻水經注云更於草甲萌芽穀月代種種種早晚無月不秀正嘉拾遺記漢宣帝時背陰之國來貢方物言其鄉在扶桑之東有浹日稻十日而熟

稻 案稻名最夥詳見李君榕園江南催耕課稻編宋

史食貨志大中祥符四年帝以江淮兩浙稍旱卽水田不登遣使就福建取占城稻三萬斛分給三路爲種擇民田高仰者蒔之蓋旱稻也稻比中國者穗長而無芒粒差小不擇地而生釋文瑩湘山野錄稱眞宗遣使占城得稻二十石至今在處播之與史三萬斛微異今江北凡腴田所種之糯皆稱占稻其米曰占米則亦稱名之失實者也賓州志稿占城稻一名畚稻唐人詩五月畚田收火禾是也段成式酉陽雜俎豐都稻名重思其米如石榴子粒稍大味如菱杜瓊作重思賦曰霏霏春暮翠矣重思雲氣交被嘉穀

應時此稻子所未見又王嘉拾遺記背明之國有翻  
形稻言食者死而更生天而有壽有清明稻食者延  
年也清腸稻食一粒歷年不饑有和靈稻言寒者食  
之則溫熱者食之則體冷莖多白語涉神異皆不足  
據

### 麥苾穀

說文麥苾穀秋種厚蕪故謂之麥

廣雅麥程也王  
氏本改麥蕪

玉篇麥

有苾之穀也秋種夏熟周礼稻人種之苾種鄭司農云苾  
種稻麥也鄭注大誓引禮說曰武王赤烏苾穀應此卽指  
火流爲烏五至以穀俱來事鄭箋詩來牟引赤烏云云是

芑種卽麥也

牟大麥齊謂之秣金王而生火王而死謂之宿麥

說文麩來麩麥也革重文糠齊謂麥稜也來周所受瑞麥

來麩一來二縫

詩疏引作一麥二牟因學紀聞載董彥遠啓作一束二縫段氏注本改作二麥一牟

廣韻稜下云稜麩之麥一麥二稜周受此瑞麥出博蒼一麥二稜此有誤文

象芑束之形天所

來也故爲行來之來詩曰詒我來麩今詩思文臣工並作

來牟毛傳牟麥也鄭箋武王渡孟津後五日火流爲烏五

至以穀俱來此謂詒我來牟又云於美乎赤烏以牟麥俱

來是不以來爲麥也漢書劉向傳引詩作暨麩而釋之云

暨麩麥也始自天降則來牟俱是麥名與說文同管子輕

重已篇九月斂實牟麥之始也亦作牟字韓詩章句作麥  
後漢班固傳元秬黃麥李賢注黃麥麥也詩釋文云牟字  
或作鞏據說文則秣爲今字來爲古字

玉篇又

作麤麤釐爲假借

字麤爲正字牟爲借字鞏鞏麥爲或體字

李善典引注引韓詩作嘉麥王

氏懷祖云嘉與來聲相近不得相通嘉當爲喜字之誤  
也來釐喜古聲相近猶僖公之爲釐公祝禧之爲祝釐也  
案古多以嘉侑穀宋書符瑞志漢章帝元和中嘉麥生郡  
國晉武帝太康十年六月嘉麥生扶風郡嘉者善也美之  
之辭是故禾曰嘉種曰嘉穀曰嘉禾黍稷曰嘉粟稻曰嘉  
疏並侑嘉也漢時經師所傳每多異義毛作來牟韓作嘉  
麤字各爲義不必強薛君章句麥大麥也趙岐孟子注麤  
同王氏之說非也

麥大麥廣韻麤大麥又短粒麥蓋大麥之短粒者也說文  
侑齊謂麥爲秣此因漢俗以麥芒束而名之以秣之名加

諸牟也至廣雅乃云大麥麩也小麥稜也誤尙書大傳主  
秋者虛昏中可以種麥鄭注云虛北方元武之宿八月昏  
中見於南方說文麥金也金王而生火王而死淮南墜形  
訓麥秋生夏死注麥金也金玉而生火王而死時則訓仲  
秋之月勸種宿麥主術訓虛中則種宿麥漢書武帝紀元  
狩三年秋遣謁者勸有水災郡種宿麥顏師古曰秋冬種  
之經歲乃熟故云宿麥後漢書安帝紀延平元年冬十月  
四州大水雨雹詔以宿麥不下賑賜貧人李賢注宿舊也  
麥必經年而熟故偁宿又永初三年詔令種宿麥疏食務  
盡地力馬融傳方法涉冬節農事間隙宜幸廣成覽原隰觀

宿麥樊毅復華下民租田口算碑十二月仍雨甘雪澱潤  
宿麥農政全書載汜勝之云夏至後十七日可種宿麥農  
桑輯要載崔寔曰凡種大小麥得白露節可種薄田秋分  
種中田後十日種美田王貞農書載雜陰陽書云大麥生  
於杏二百日秀秀後五十日成小麥生於桃二百一十日  
秀秀後六十日成

九穀考云生於杏  
生於桃皆指秀時

二書言大小麥皆宿

麥也又謂之秋麥穆天子傳巨蒐之人獻秋麥于車郭注  
秋麥禾也案麥爲禾者蓋取通偁之義 又案宿麥兼大

小麥言廣雅疏證大麥小麥各有有芒無芒二種無芒者  
良攷有芒之大小麥秋冬春三時皆可種秋冬種者是宿

麥春種者則春麥也其無芒之大小麥惟秋冬種之則皆

宿麥也又謂之青稞麥唐書回鶻列傳黠戛斯國稼有大

小麥青稞

舊唐書吐谷地氣大寒有青麩麥五代史回鶻地宜白麥與青麩麥稞麩一字

廣韻青

州謂麥爲稞此亦偏指無芒者言農政全書引齊民要術

云種青稞麥右每十畝用種八斗與大麥同時熟

此大麥指春麥

言好收四十石陶隱居本草云大麥爲五穀長卽今稞麥

也一名稗麥

案稞麥兼大小麥陶氏蓋偏指大麥言

據此則稞麥卽宿麥其

名稞者說文稞一曰無皮穀無皮謂之稞無芒亦可謂之

稞也 張君斧文

黼榮

曰雁門關有一種名油麥其苗禾

莖葉華穗黼皆未見惟食其寔而見其寔上多芒簸揚其

芒形如宿麥而微小色亦微青此物極難熟必用武火或蒸或炒晒晾極透然後礮而爲麩成麩則又不熟矣食時必用滾水沖之作爲餅餌用武火大蒸不令稍泄氣一泄氣則黏膩不可食而亦終不熟矣其性極寒關北人日兩殮皆此案此亦宿麥性質稍異猶之南方麥晝開華性溫燥北方麥華夜開性涼且滋陰爲不同也

食物本草江南麥花夜放故發

病江北麥花晝放故宜  
人案此說疑晝夜字倒

### 春麥麩又謂之旋麥

別三名案春麥南北異種南方種小麥率在冬至前過冬至則不種而大麥有遲至春月種者是春麥專指大麥言

也北方春麥則兼大小麥廣雅疏證云今北方人種春麥者多是小麥別有一種大麥二月種之三月卽熟濟南人謂之三月黃亦春穡之類也

子鄉亦云

予謂種麥當以北方爲

準則春麥當兼大小麥言崔寔云春月可種春麥盡二月

止玉篇云麩春麥也亦作萃呂氏春秋云孟夏之昔殺三

葉而穫大麥高注大麥旋麥也旋疾也

方言秦晉凡物樹稼早成熟謂之旋

可證

斯義對宿麥而言卽春麥也此偏指大麥言之非謂春麥

止是大麥一種也汜勝之云春凍解耕如土種旋麥麥生

根茂盛莽鋤如宿麥廣志云旋麥三月種八月熟出西方

此則種之最遲者地氣不同非有異種也

大麥醜穢

崔寔四民月令言種大小麥並以白露爲節惟穢麥早晚無常蕭炳四聲本草云穢麥大麥之類山東河北人正月種之名春穢形狀與大麥相似郭義慶廣志云西方有半夏小麥有秀芒大麥有黑穢麥

案穢麥皮色黃與小麥同此云黑者蓋別一種魏

黃觀奏云小麥略盡惟穢麥大麥頗得半收然則穢麥大

麥自是二種吳普本草云大麥一名穢麥蓋二麥相類故

通稱也若陳藏器本草拾遺云大麥是麥米穢麥是麥殼

則顯以爲一麥矣非也

本九穀考農政全書引陶隱居本草云穢麥此是今馬食者案穢

麥非馬食此說誤

穢或作穢玉篇穢大麥也又通作穢潛夫論思

賢云治疾當得人參反得支羅服當得麥門冬反蒸橫麥

橫麥卽穰麥

文選馬汧督誅注引四民月令云大麥之無皮毛曰穰予以問之吾鄉農人穰麥亦有皮

毛其無毛者是稞麥不是穰麥四民月令說誤

稍下麥謂之穰麥穰擇也

宋玉招魂稻粢穰麥王逸注穰擇也擇麥中先熟者枚乘

七發穰麥服處躁中煩外李善注以穰麥分劑而食馬馬

肥故中躁而外煩也

案穰麥非馬食此猶馬食粟耳九穀考以穰麥爲馬糲蓋誤以穰麥爲餼

麥也張衡南都賦冬稔夏穰隨時代熟左思吳都賦穰秀菘

穗於是乎在段氏說文注云穰卽樵字之異者古爵焦同

聲在第二部許云樵早取穀也義正同又廣韻穰稻處種

麥集韻類篇稻下種麥吾鄉農人云稻下種麥謂之點麥  
蓋高田地仰稻刈之後麥長茂盛其收穫比他麥略早故  
王逸訓爲麥先熟者又案此作穉麥非爵麥也九穀考以  
穉麥證爵麥非

齋爵麥燕麥

說文齋爵麥也余正作雀麥郭注卽燕麥也寇宗奭云苗  
與麥同但穗細長而疏蘇恭本草注云所在有之生故墟  
野林下苗葉似小麥而弱其實似穰麥而細九穀考云今  
江南野地中生似麥者有二種一種俗呼雀麥一種俗呼  
野大麥

案穆天子傳黑水之阿爰有野麥郭  
注自然生也野麥其卽雀麥燕麥與

案野大麥卽

指燕麥農政全書雀麥圖說云本草一名鷲麥一名侖

與

同

生於荒野林下今處處有之苗似鷲麥而又細弱結穗

像麥穗而極細小每穗又分作小又穗十數個子甚細小

味甘性平無毒又言救飢云採子舂去皮搗作麩蒸食作

餅食亦可鷲麥圖下云田野處處有之其苗似麥攷葶但

細弱葉亦瘦細拈莖而生結細長穗其麥粒極細小味甘

又言救飢云採子舂去皮搗磨爲麩食

博物志食鷲麥令人骨節斷解案骨

節斷解或言其常食之弊今人歎歲採食此麥未見有骨節斷解者則此亦荒穀也

據此則雀麥燕

麥本是一麥而有二種郭注及本草以燕麥雀麥爲一者

雀麥本是大名燕麥卽雀麥之一種於義固無妨也水經

丹水注丹水又東而歷西巖下雖巖辰肅月燕麥隨蔓古

歌云田中燕麥何嘗可穫

見太平御覽升菴外集古樂府云云言虛名無用也然燕麥

南霑益一路有之土人以爲朝夕常食非虛名也

劉禹錫游元都觀詩序云惟兔

葵燕麥動搖春風耳

郝氏懿行爾雅義疏楊慎謂麥有

味音引范文正公按撫江淮進民間所食烏味草謂卽今

燕麥草非也烏味草不知何物就令以爲烏麥則蕎麥亦

名烏麥何必此

### 大菊蘧麥

爾雅大菊蘧麥說文蘧蘧麥也菊大菊蘧麥本草瞿麥一

名巨句麥陶宏景云今出近道一莖生細葉華紅紫赤色

可愛子頗似麥故云瞿麥又云苾蒞是瞿麥根吳普本草

云苾蒞一名瞿麥

廣雅疏證神農本草云紫葳一名陵苕一名芟草生西海陶注云博物志云郝

晦行華草於太行山北得紫葳華必當奇異今瞿麥華乃可愛而處處有不應乃在太行山北且其樹有莖葉恐亦非瞿麥根案本草紫葳一名陵苕即名醫別錄鼠尾一名陵翹者詩義疏云陵苕一名鼠尾七八月中華紫是也紫葳以色得名小雅箋云陵苕之華紫赤而繁故陵苕謂之紫葳陶注本草瞿麥云華紅紫赤可愛故瞿麥亦謂之紫葳也草木異物而

同名正多此類

別錄云一名大菊大蘭說文繫傳云今

謂之瞿麥其小而華色深俗謂石竹案據諸文是大菊也

蘧麥也瞿麥也巨甸麥也苾蒞也大蘭也石竹也七名實

一物廣雅苾蒞麥句蘧

今本麥句蘧作陵苕二字此从王校本

蘧麥也郭注

余正亦以麥句蘧爲蘧麥之別名說文繫傳云麥句蘧地

松也非此廣雅疏證本草云瞿麥一名巨句麥天名精一  
名麥句薑二物不同九穀考云麥句薑說者卽爾雅芻藪  
豕首呂氏春秋任地篇豨首生而麥無葉高誘注豨首草  
名也麥無葉皆成熟也案此則麥句薑與巨句麥自是別  
種廣雅誤合爲一而郭氏亦誤从之也齊民要術云種瞿  
麥法以伏爲時舊注一畝收十石渾烝曝乾春去皮米全  
名地麩不碎炊作殮甚滑細磨下絹筵作餅亦滑美然爲性多穢  
一種此物數年不絕耘鋤之功更益劬勞

蕎麥 菽麥 烏麥

別三名玉簫蕎麥也新唐書吐蕃列傳其稼有蕎麥農政

全書蕎麥一作莠麥又作烏麥案唐書高崇文子承簡傳  
野有莠實民得以食陸清獻靈壽縣志蕎麥下云唐高承  
簡傳以莠爲蕎非據尔正詩傳莠另是一物案芑芑名莠  
蕎麥亦可名莠此皆相承舊名不必以承簡傳爲誤也本  
草綱目引元吳瑞日用本草云蕎麥一名烏麥楊慎丹鉛  
錄指烏麥爲燕麥蓋未讀日用本草也 齊民要術種蕎  
麥五月耕經二十五日草爛得轉并種耕三遍立秋前後  
皆十日內種之假如耕地三遍卽三重著子下兩重子黑  
上一種子白皆是白汁滿似如濃卽須收刈之但對稍蒼  
鋪之其白者日漸盡變爲黑如此乃爲得所若待上頭總

黑半已下黑子盡落矣農書蕎麥立秋前後漫撒種卽以  
灰糞蓋之稠密則結實多稀則結實少若種遲恐華經霜  
不結子朱弁曲洧紀聞蕎麥葉青華白莖赤子黑根黃亦  
具五方之色農政全書云蕎麥烈日曝令開口去皮取米  
作飯蒸食之又圖說云苗高二三尺許就地科义生其莖  
色紅葉似杏葉而軟微鮎開小白華結實作二莢蒴味甘  
性寒無毒本草綱目蕎麥之莖弱而翹然易長易收磨麩  
如麥故曰蕎曰苽而與麥同名也俗亦呼爲甜蕎以別苦  
蕎又苦蕎下說云南方春社前後種之莖青多枝葉似蕎  
麥而尖開華帶綠色結實亦似蕎麥稍尖而稜角不峭其

味苦惡農家磨搗爲粉蒸使氣餽滴去黃汁乃可作爲饊  
餌食之色如豬肝穀之下者抑濟荒爾

麥莖謂之稍

說文稍麥莖也又緇下云緇如麥稍段氏云麥莖光澤媚  
好故曰稍一作藹潘岳射雉賦闕閭藹葉是也案隋書刑  
灋志將作寺丞以諫麥麩口口麩當與稍同

麥牙謂之蘖

釋名釋飲食蘖缺也漬麥覆之使生芽開缺也齊民要術  
作蘖法八月中作盆中浸小麥卽傾去水日暴之一日一  
度以水澆之芽生便止

粦謂之粦

荀子富國篇午其單取其將苦撥粦楊倞注粦麥之牙粦也案儀禮有司徹粦賈鄭注粦熬麥也周官籩人其實粦麥鄭司農云熬麥曰粦元謂今河閒以北煮種麥賣之名曰逢說文云粦煮麥也義亦與楊不異蓋麥之牙粦謂之粦而熬麥亦令麥生牙粦取液爲飴糖卽今所稱麥牙糖是也 又案籩人注種麥當作種麥猶言麥種也九穀者疑爲種稌之種又疑粦麥之論皆非是

麥堅謂之麩

說文麩堅麥也段注謂麥之堅者也史漢皆云亦食稊而致

耳孟康曰覈麥糠中不破者也晉灼曰覈音紇京師人謂麤屑爲紇頭案廣韻引漢書糠紇爲是孟注音皆是麤字後人妄改漢書耳麤在沒韻覈在麥韻音不同也孟注與說文合案玉篇麤字注亦引孟康說列子釋文云聲類云糝米不碎史記曰陳平食糠糝孟康云麥糠中不破者然則舊本史漢及孟注皆作麤字麤糝義同新唐書循吏李素立傳還所餘儲糝於州是也糝爲堅麥故可儲之以備荒也其傳寫作覈者麤覈音近晉灼曰覈音紇京師人謂麤屑爲紇頭當是麤音覈京師人謂麤屑爲紇頭一切經音義廿二粒又作麤同痕入聲堅米也今關中謂麥屑

堅者爲麩頭亦此也是其字本作麩頭而非作覈頭明矣  
麩是堅麥故麥屑之堅者亦得名麩聲類以粒爲米不碎  
與說文孟康略同至晉灼注則別是通備之義非正訓一  
切經音義九粒又作麩江南呼爲麩子此卽晉灼說以麩  
麩爲一也 又案集韻麩粒下引說文堅麥也一曰俗謂  
麩屑爲麩後說卽本晉灼又麩覈下云麥糠中不破者糠  
下云穀糠中不破者通作覈是丁度所見史漢及孟注已  
改作覈而晉灼注猶未改後人更改晉灼以合改本之孟  
注耳

凡穀末謂之糜麥末謂之麩麥屑謂之麩

說文糲末也段注末小徐本作麩據玉篇云糲或作麩

案玉

篇麩麩也今呼米屑爲麩

則糲麩一字大徐作麩麩乃麩之誤

案說文麩是麥

皮義異

汲古後人又依小徐改作麩矣今正作末凡糲而粉

之曰末麥部云麩麥末也是也麩專謂麥末糲則統謂凡米之末廣雅麥謂之麩此謂麩亦糲之一耳糲者自其細茂言之今之米粉麩勃皆是案段氏是也太平御覽引倉頡解詁云麩細麩也麩亦當作麩廣雅麩糲也麩與糲麩義同

麥覈屑謂之麩

說文麩麥覈屑也十斤爲三斗廣雅麩糲也玉篇麩麥屑

也義同廣韻麩麩也麩麩也互相見九章算術小麩之率  
十三半大麩之率五十四麥八斗六升七分升之三得小  
麩二斗五升一十四分升之一十三麥一斗得大麩一斗  
二升李籍音義細曰小麩粗曰大麩段氏云九章之小麩  
許所謂麩也九章之大麩許所謂麩及麩也

案麩字皆當作麩

### 小麥屑麩謂之麩

說文麩小麥屑之麩案許意謂麥屑中之不破者也屑與  
麩稍異而其實麩亦是屑廣雅麩糲也玉篇麩麩麥屑齊  
民要術引四民月令云夏至後羅麩麩是也許氏專言小  
麥廣雅玉篇則謂凡大小麥屑皆名麩與許微異

小麥屑皮謂之麩麩謂之麩

說文麩小麥屑皮也此專指小麥言玉篇麩麥皮也則謂凡大小麥皮之通稱麩或作麩晉書五行志昔年食白飯今年食麥麩四民月令夏至後糴麩麩是也晉書皇甫謐傳尤臣糠麩糝之雕胡音義麩麥麩也類篇麩麩塵義略同

麥 抱朴子博喻篇蒿麥冬生蒿麥疑卽宿麥王嘉拾遺記胡中有指星麥四月火星出麥熟而穫之麥三夕而萌芽平旦鷄鳴而用之俗人呼爲鷄鳴麥又背

明之國有延精麥延壽益氣有昆和麥調暢六府有

輕心麥食者體輕有醇和麥爲麴以釀酒一醉累月  
食之凌冬可袒有含露麥穗中有露味甘如飴又蘇  
鶚杜陽雜編元和八年大軫國貢碧麥形大於中華  
之麥粒表裏皆碧香氣如粳米食之體輕久則可以  
御風又田藝衡畱青日札御麥出於西番舊名番麥  
以其曾經進御故名御麥榦葉類稷花類稻穗其苞  
如拳而長其鬚如紅絨其粒如芡實大而瑩白花開  
於頂實結於節凡所傳述與中國諸麥或同或異未  
可知也附識於此以俟考焉